


In manu Domini sunt omnes fines terræ.



Ex Libris
Frank Dawson Adams

THE
OSLER LIBRARY
MCGILL UNIVERSITY
MONTREAL


Acc. A - 4

Letter F. Bureau to K. Bureau on
the Bergensklubben of 1505-10, &
1814, preceded by the survey laws,
& followed by extracts from the
"Bergensklubben", etc. See Series 100,
V. 52-2, & p. 58 for title p.

Studied since 1953 by two members (John & Peter)
and 400, p.

microfilmed - 31 March - 1954

Letter - page 4 of "Bergensklubben"
for the study of the club.



Der Ursprung gemeynlicher
 Berckrecht/wie die lange zeit von den alten er-
 halten wordē/darauf die Küniglichen vñ Fürstlichen bergks ord-
 nungen vber alle Bergrecht geflossen/welcher sich eyn jertz-
 licher in zufälligen Berckhandlungen/vor dem obristen
 Berckmeister vnd anderen Berckrichtern/zū rechte
 wol gebrauchen mag/Auch ein anzeygung der
 clufft vnd geng des Metallischen arz/wie
 die in berg vñnd thal streichent/vnd
 ihr geschick haben/Wit art-
 lichen Figuren ver-
 zeichner.

Sampt eynrer anzeygung vil böfllicher vnd sündiger
 Berckwerck der löblichen Cron zū Beham.



CVM GRATIA ET PRIVILEGIO C. M.

Sem Erneuesten vnd Hochacht
barn herin Johan Lucas. R. K. W. Rath vñ
diener/ meinem gnedigen vñ gebietendē herin.
Erneuester vnd Hochachtbarer gnediger vnd
gebietender herz. E. G. seien mein alzeit schuldig vñ güt gewilt
dienst mit höchstē fleiß Simoran bereyt/ Gnediger herz/ Dieweil
ich. E. G. als eyn liebhaber der geschrifften Berckwercks vnd als
ler nutzbarer künstē erkenē/ Die mir auch bei weilant Key. Max
milians zeitē/ Hochloblicher gedächtnus als derē pfenigmeyster
Rath vñ diener Privilegia über etliche buecher zůtruckē erlangt/
Vnd sunst vil gütthaten bewisen/ Bin ich der halben zůerzeyg
ung meins däckbarn gemüts nit ring verursacht. E. G. zů ehri
vñnd gefallen dis büchlin (das lange zeit verdunckelt gewesen)
vnd vilen auch in sonderheyt Berckleuten zů erschieflicher nutz
barkeyt reychen würdt ans leicht zů bringē/ vñ. E. G. zů zůschrei
ben/ Darinē sich. E. G. vñnd andere zů erschen haben/ des vrs
sprungs aller Berckrechten / vñ sunderlich wie es die alten im an
fang gehalten. Wiewol es sich auch von tag zů tag gebessert/ vnd
die künstlichen bergs ordnungen darauß geflossen / wie auch alle
articel in eyns yeglichē Fürsten land vñ Oberkeyt sunderlich ge
halten wordē / damit sich eyn yeder in zůfälliger berckshandlūg
darauß zůrichten vñ in recht zů gebrauchen habe. Daneben wie
auch alle gāng / klufft vñ stetzen/ in Berg vñ thale jr geschick vnd
streichens haben/ Mit anhangenden namen der altē verlegnen
Berckwerck/ Sloblichē Kronē zů Beham (Welcher. E. G. auch
Rath vñ diener ist) vñ sich mit vilen edeln Metallen nutzlich be
wisen. Das wölle E. G. (bit ich dienstlich) zů danckbarer erzeyg
ung meins gemüts/ in gnaden gūnstiglich annemen/ mich auch
in gnedigem beuelch haben/ Bin vñ omb die selbig ich in alle weg zů
ver dienen schuldig/ willig vnd bereyt.

E. G. gütwilliger diener.

Johan Haselberger von
Reichenaw büchfierer.

Vorrede.



Welcher eyn Obrister auff einem Bergk
werck / als ein Bergkmeister ist / in einem
Fürstenthum / Alles was vor jm gehan-
delt / das gezeuget er wol mit recht / auff
allen gebirgē desselbigē Fürstenthumbs /
Alle ander Amptleut / die setz der obriste Berckmeister /
vnnnd besteriget sie / als weit / als das Fürstenthumb ist.
Was auch für dem selbigen Berckmeister geteidingt /
die mögen mit Recht vor Keynem statrichter gezeugen.
Es mag auch Keyn Berckrichter auff eynem andern ges-
bierg zeugē / da er nicht richter ist / sondern was er in seinem
gericht höret oder siehet / das mag er woll bezeügen / vnnnd
sunst niemandt mer in seinem gericht Ist aber / dz vor dem
obristen Bergkrichter iugent was geteidingt das gezeuget
er wol / alles was eynem wissentlich ist vor dem statrichter.

Von dem lehen / vnnnd wie

man die leiben soll.

Eyn itzlicher Bergk meyster oder lehen herz / hatt die ge-
walt von recht / das er itzliche genge / eynem itzlichen Bergk
mann leiben mag / omb der selben fürsten recht / also besten-
diglich / das er die genge heysse bawen wie recht ist / Das der
herzschafft nutz vnnnd frume daran erkandt wer.

Von dem Lehern /

vnnnd leibunge.

Eyn itzlicher lehen herz sol den mercken dem er leibet / das
er in gewerē müge / wan er eynen gang leibet / der bebelt auff
dem gang für sich vierthalb lehen / vnnnd hinder sich vierdhalb
lehen / vnnnd auff sein hangends vierdhalb lachter / vnnnd auff
A ij sein li

sein ligends vierdhalb lach.

Von erb zü bereyten/ vñnd wie man die bereyten soll.

So sich eyn zech vorleith das gemessene berg vñd wasser
geng seind wasser halbē das man vor wasser nicht gebawen
kan one stollen / so dan leuth kumen vñnd mürhen bei dem
Bergkmeyster / ob er in well leiben die zech / oder den broch/
vñd woll in feldt dar zü vererben zü eynem stoln vmb der her
schafft recht / der Berckmeyster mag in das wol leibē / Būng
en dann die leuth den stoln an die statt / vñd zü den brüchen /
das sie hoffen / das sie ertz finden / vñ mitten an den burgern
vñd an dem Bergkmeyster / das man in eyn Erb bereyt zü
dem stoln / so sol der Bergkmeyster dar zü reiten / es besehen /
als lieb im ere vñd trew ist / vñ sollen zü dem stollen / vñd zü
der zech den geben vñd bedeuten / als viel feldes / als es dem
stoln eben kumet / vñd es der herschafft vñnd dem stoln nutz
sei / Vñd woh das feldt verbrochen ist / Wo aber vnuerbroch
en raßen were / also das nicht broch weren / da soll man keyn
Erbe zü dem stoln bereyten / Es würde dann daran erkant
der herschafft nutz vñd den burgern vñ Bergkmeyster / vñ
würdt das erb bereyt / so gehn ab alle gemessene lebē / vñd wān
das erb bereyt würdt / vñ dem stoln sein recht gegeben würdt /
so sollen die gewercken / welchen das erb bereit würdt / den bur
gern gebē vñd jre arbeyt / zwū marck / das seind acht schilo
ling groschen vñd sollen dem Berckmeyster eyne geben / das
seind vier schilling groschen.

Es seind zweyerley stoln beschriben

damit man alle bergkwerck bau wet / zc.

Der eyn heyszt eyn sūch stollen / Der Ander eyn Erblīcher
stoln.

Dom

Vom süch stoln recht/wo wässerige

berck werck ligen / den man wassers halbē
nicht gethün mag.

So die leüth zü dem leben herin kumen/vñ eyn süch stoln
mutter / vñ wellen den stoln treiben zü den gänge / vnd wel
len das Bergwerck / vertreugen / Wan der süch stoln also ge
legen würt von dem lebern / der beheltdt das recht / wer seine
wasser siech annimpt / das vor jm noch hinder jm niemand
soll ansitzen / in vierthalb leben / feret er al so fern / das er in
bringer / an die statt / das der stoln sibenthalcher trieget / aber
eyns lebens tieff / das er beweisen mag / Alles das er dan vor
sarn hatt / in seiner wasser seich / dahin solle / noch darff nie
mandts einsitzen mit recht wider seinen willen / wo er die
teuffe nicht innē hat / als vor bestimpt ist erleubet eynem itz
lichen / in vierthalb leben zü pawen.

Von erbstolnn / was

die vor recht habenn.

Wann ein erbhafter stolnn von des obristen lebern
geliben ist / der vonn recht einen lochstein setzen soll / an die
stadt / vnd an sein ziele / dahin jm sein erbe bereiten ist zü ei
nem gedechnis / das dauon hernach nicht krieg wurden /
ob man andern leutben / auch ein erbdarnach solte geben.
Aber einem gemessen bergk solte messen.

Von erbstolnn recht.

Der erbstoln hat auch das recht / das niemand darff in
seinem ziele einschlaben / es sei verbrochē feld / oder vnuer
brochen rosen / von seinem ziele / bis an den lochstein mit
rechte wider der gewercken willen strengen auch die gewer
cken den stoln / das er treuget / anderhalbes leben tieff / oder

A ij züm

zūm minstēn zehen lachter / so heisset er zū recht ein erbstoln
vnd alle gemessne leben / die in der marscheid ligē / vnd was
brüche seint / die in seiner marscheid ligē / wer darinne arbeit /
oben dem wasser / der mus das thun mit willē der gemerck
en / an dem erbstoln / Die weil der stoln aber also tieff nicht
treuget / als vor bemümet ist / die weil erbet ein itzlich man
wol also / das er die berge vnd brüche / nicht zū reisse die den
stoln bereiten sindt.

Von erbstoln recht.

Kumpt ein erbstoln mit seiner wasser seig an die genge
die jm bereitet sein / findet er ertz allein / das doch in einem
freien sei / man misset keinē berck / findet er aber ertz an gen
gen / die vnuer Schroten sein / vnuerbauen / man misset jm
einen berck / also das ein alle gemessne leben dinen vnd sie
behalte / in dem rechten / vnd er seinen stoln hat / Vnd ein
itzlich stoln / behelt das recht dz ein gemessen berck / hat auff
sein hangēds vierthhalb lebē / vñ sein ligēds vierthhalb lebē.

Von erbstoln recht.

Kümet der erbstoln in gemessen leben / die bauhaft sein /
vnd nicht gearbeit / zū dem stoln / die leben mögen dem
stoln nicht geweren / er fare darein / vnd dardurch also bes
cheidenlich / wann er kumpt an die leben / als der stolle / dar
ist kumen / auff der sole mag wol hawen vnder sich vñ ober
sich / also hoch als er mit einer kratzen gereichen mag / Also /
daß er der kratzen helm nicht lenger mache / vnd soll auch
nicht mehr nutzē oder gewins daran haben / oder nemen /
die weil er in dem leben ist / vñ sollen auch die lebē dem stoln
das virthel zū kost geben / vnd wiehr darnach der erbstoln
binkumpt / so soll man von recht / den selben gewercken / ein
Nuntail geben / das ist dauon / das er wint brenget / vnd
wasser

wasser benimpt / vnd der erbstoln soll ein Neuntheil habē /
durch vnd durch vnd nicht mehr / vnd das soll man geben
den gewercken / die den stoln erst haben angenommen / die
sollen auch den stoln mit irem gelde ymer fursich treiben /
wū sie das Neuntheil haben wollen / wū sie aber des Neun-
denteils emperen wollen / da mögen sie wenden / vnnnd wer
dann den selben stoln fürbas treibet / der soll von dem zol
oder zins von rechte fürbas frey sein.

Von erbstoln.

Wo man einen erbstoln zu einem gebirg füret / vnd
mer stoln getrieben / welcher der aller tieffste ist / der behelt
von recht die eigenschafft vnd sein recht / vnd also viel / als
einem gemessen berg / leit an eines stoln Wartscheid / der
erbhafftig ist / als manch stund sechzehen / hofstedt behelt
der der stoln.

Von erbstoln recht.

Wer da erbhafftige stoln bauet der soll sein wasser seig
vnd liechtloch fertigen / auff vnd nider an seinem stoln vnd
säubern recht vnd redlich / vñ soll den stoln stetiglich treiben
mit drei bewer. Beschicht dz nicht / vñ wirt d stol mit drey
en bewern nicht getriebē / vñ d stol verleit sich acht tag nach
einander als wūst / das in niemants treibet / dz mans be-
weisen mag / mit einem erbhafftigen man / den d ober bergk
meister / denn selben auff die zeh beise reitten / vnd soll an
hebē indē stoln / auff der wasserseig / vñ soll besehē die liech-
locher / bis da des stoln haupt wendet / sindt er es den / also
so soll er den poten bey dem eid er manē / ober dem stoln nach
gefolget hab als recht sei / vnd den anebaw funden hab / als
im auff sein eid gegeben ist / bekennet er das / so sol der bergk
meister den botē frage / eines vrtails / wes der erbstoln in sey
so sol

*Quid dicitur in
Iuribus G. 1.
est G. 1.
so soll er ..*

sei / so soll man den teilern in der herschafft gewalt / wer in
dann miter / mit der herschafft recht / dem soll in der bergke
meister leiben.

Von erbstoln recht.

Kein bergkmeister / noch obrister lebenberz / noch kein am
athman / hat die gewalt / das sie auff keinen erb stoln / od
auff keinen gemessen berggen / mögē setzē / einē steiger nach
burman nach einē Amathman / wider d gewerckē willen .

Von erbstoln recht.

Erbstoln haben dannoch auch das recht / als fernē als
ein man geschiffen kan / mit einem bogen / als fern behelde
ein erbstoln / oder ein gemessen berg feldes / daruff die bergke
leuth / jr vieh treiben vnd weyden.

Von bereitten erben.

Was der bergkmeister / mit dē burgern ein erb bereitet /
das soll von recht crafft haben / vnnnd bleiben / vnnnd komet
dauon das man etliche erbhafftige stoln / bei manchē jaren
nicht zū gewinst bringen mag / were auch das der bergke
meister vñ auch die burger stürbē / ehe der erbhafftige stoln
gewinhafft worde / vñ wolt jemand das erb / od dē stoln hin
dern / vñ in jr erb od stoln / ansitzē vñ bauē / es wer sündig od
vnfündig / so sol der Newe bergkmeister / vñ newē burger /
alles denn entscheiden / nach kuntschafft / erbarer leuth / die
das gedencen / vnd die den lochstein wissen . Wöchte man
abe nimants gehalten / dem darumb wissentlich wer / so ist
es einem jzlichen frey zū bauen / welcher dann aber ertz fin
det / des der maß wert ist / dem soll darnach als der bergk ge
messen wirt / kein erbe bereiten / das die gemessen berg hin
dern mag / dieweil sie baubafftig sein.

Von

Von den Newfengen/ vnd wie man messen soll.

Wer ein Newengang findet / dem sol man sibendach
ter messen/ vñ ist darnach einem andern man / auch auff
dem selben gang / ir gelegen / wie nahe er bey dem ersten
zol sey / findet der Erz / man sol im ehr messen / zu recht /
von welchem schacht er das behaldē / das das seine rechte
fundtgrub sey / von dem selben schacht soll man messen /
vñ ist das man im messen sol den selben gang / oder einen
andern / so sol der zehender darzu faren oder senden. Ist
es dan der mas wert / so soll er den Berckmeister heissen
messen.

(Zol)
Dz ist / zinsß
od ein steuer
od kost / die
man dē stoln
gibt / das er
dest statlich
er gebawt.

Von Berckmessung.

Der Bergtmeister sol von recht den gang messen / vñ
der finder sol im seine messpfenning darumb geben / das
seind vier schilling / vñ der Berckmeister sol komem auff
den gang / vnd soll fragen den finder / welchs sein gang
vnd fundtgrub sey / welche im dann der finder weist / die
er behalten darff mit seinem cyde / die seine rechte fundt-
grub sei / dauon sol man im messen. So sol der finder tret-
ten auff seine hengbanck / vñ soll zween finger legen auff
sein haubt / vñ also sprechen / das das meine rechte fundt-
grub sey / also gebrauche ich meines haubts / vnd meiner
vordern handt / Also mir Gott helff / vnd alle Gottes hei-
ligen / so sol man den messen. So sol der Berckmeister die
schnür nemen / vñ sol sie legen mittē vff den ruenbaum /
vnd soll messen ein halb lehen / denn ein ganges lehen soll
er geben in einem stoln / das heissen rudelffter lehen. Die
vierthalb lehen soll der Newenger bawen / mit einem
schacht / ob er sie bawet als recht ist / Dann sol er messen

Newgeger.
Ist d miter

B in den

oder lehrre
ger/ der den
gang ent-
blöht/ vnd
aufgangen
hat.

in den andn stoln/ auch vierthalt lehe/ ob sie sich ergehen
möge/ wo aber nit/ so sol man dē Neugēger sibē lehe mes-
sen/ fürsich/ vff dem gang. Verlegē sich die lehe dreier ver-
schicht nach einand/ so mag sie der bergkmeister leihen/
vñ d̄ herschafft recht wer sie barwē wil/ wen dem berg vñ
Neugenger seine mas vñ recht gegeben wirt/ so ist es dan
fürbas in einē freien/ vñ als dan kōmen/ die da mitē wöl-
lē/ so sol der bergmeister aber leihē/ welche darnach zum
ersten gemüt haben/ vnd fürbas immer mer also für sich
vmb der herschafft recht/ kōmet es dann also fern/ das
man Erz findet auff den stoln gengen/ da bey auff dem
felde/ den sol man messen gleicher weiß als man zūvor ge-
messen hat/ den vorgeantē bergk/ es sey dan/ dz die mes-
sē rüth/ zū dem vorgeantē bergk/ oder vor eyne Erb stoln
der von den burgern vñ Ampelentē berittē ist/ das müß
der maß gebrechē. Ist das zwen bergk vff zweien gengen
gemessen werde/ bei einand/ d̄ von erst gemessen wirt/ d̄
verlegt sich/ der and̄ bleibt banhafftiff/ vñ es kōme also
fern/ dz er wid verlegt wirt/ so sol es dem/ d̄ banhafftiff
bliben ist/ nit schadē an seinem recht. Vñ findet er Erz/
man sol ein Marscheide wol geben/ dem der banhafftiff
bliben ist. Wen welche lehen/ die erste lehung behalten
haben auff dem gang/ die selben behalten jr recht/ mit
besserem recht/ dan die sich verlegen haben.

Vonder Newfinder recht.

Newfinder/ das seind lehentreger/ sollen jr lehen von
niemandt anderst empfahen/ dan von dem Bergkmeis-
ter/ Auch sol man den finder heissen raumē ein lehen/ an
yeglicher seiten seiner peroden der darnach ist/ es sey der
ander/ dritt/ oder vierd/ hat das selb recht nach dem/ der
seinen gang empfangen hat. Findet der erste Erz da es
der maß zūgehört/ so sollen die burger seinen gang heben.

lassen/ züm wenigsten zween/ die darbei seind/ das Erz
sol züm minste eines lachters lang sein/ zü füß auff der so
len/ vñ gibet das Erz züm minste. iij. marck/ vñ einē vier
ding silbers/ das die burger begreiffen bey einem eyd/ als
sie darüb gefragt werde/ von dem zehendner/ oder von
dem die an jr statt seind/ so ist es maß wert/ der selbige
Newfinder hat dz recht ober der mas/ dz er sein skoln oder
lehen/ richtē mag als langē sein lehen ist/ vñ hat er mer
schlecht in seinē lehen/ es sein zwen oder drei. Sindē die bur-
ger in einē nicht/ sie mögē in den andern faren/ oder auch
in den dritten/ in welchem sie finden solch Erz/ als dauor
gesprochē ist/ damit behelt der Newfinder sein recht/ der
ander nach ihm der leihet/ der hat dasselb recht/ vnd also
der drit oder vierd. Hat aber der erst nicht Erz in seiner
grübē/ oder in seiner sole/ das maß weit ist oder in seinem
lehen/ vñnd ist er auß seinem lehen gefarn/ in ein freies/
vñ daselbst Erz funden/ das maß weit ist/ vñ das zü einē
offen schacht bracht/ damit behelt er aber sein recht/ wan
er der erst ist/ Auch der ander/ dritt/ vnd vierde mit dem
rechte/ das da versprochē ist. Wirt aber ein gewerr/ oder
ein krieg vnder in/ vñ man nit waist/ auß welcher grübē
er den gangē empfangē habe/ vñ will man ihn das nit er
lassen/ so müß er schweren mitten auff den rümbaum/
das der selb gangē sey/ auß der selben grüben/ den er em
pfangen hat/ als das recht/ den also ergehēt vñ vor ge
sprochen ist/ so soll man aller erst messen/ Den Messern
gibt man sibē schilling der kurzen/ vñnd misset auch wi
der halb lehen/ der fundgrüben vierthhalb lehen/ vñnd
mag sich die maß nit ergeben/ von der er messe/ eines an
dern berges/ So müste man die lehen alle nach einan
der/ nach einer seiten messen/ vnd was also zwischen den
Newfindern übrig ist/ das heyst man eyn überschar.

(Burger.)
Sind ge
schworne
männer.

Dem Neufenger sol man geben an sein gestelle ein horn
das eins halbē lachters lang ist / das zwen man neben ein
ander stehen mögē / Vñ die gewergeten / nemen ein steiger
wie sie wöllen / der ein namhafftiger man ist / den soll der
bergkmeister / mit dem eyde bestetigen .

Bawer yemand auff dem hangenden / oder auff dem
ligenden / also das man nicht waiß / ob es zū dem erbe ge
hör / oder zūm gemessen berg / oder in einem freien sei / das
sol man zweien manen / die sich an jren ehren mit verruckt
haben / auff jren eyd geben / Also auch / das Keyner teyl
hab an dem gebirg / die soll der bergkmeister darzū beste
tigen / die sollen oben auff dem rafen die schnür ziehen /
von dem höchsten der geng / vñnd mögen sie es also ge
scheidē / es sol krafft haben / wo aber nit / so sol man von
den gengen der selben lehen / einen durchschlag fürē / auff
die Newen geng / wenn es das recht gibet mit der schnür /
vñnd mit dem winckelmess / das ist dan mit recht / vñnd man
soll das erz / das man die weil hawet verbieten / vñnd das
soll verbürget werden / also das es weder ein halb noch
anderthalb gefalle / biß das es das recht entscheide .

Vonder Warscheid recht.

So man Warscheiden sol vnder tenffe auff den geng
en / das muß man thun mit offenen durchschlegen / darzū
sol man getrew leut kiesē / das sie einem yeglichē weisen
in das sein mit gerechtigkeit / das lehen hat siben lachter
zū recht / Ein ort das hat drei vierteil eins lachters / der
quartz schlegel hat anderthalb lachter .

Von klagen über teil / vñnd wie man klagen muß .

Ist das eine klag bawer / der ein bawer ist / vñnd gibt
einem .

einem andern teil / das er sie mit jm barwe / dieweil er jm
kein kost gibt / so darff er nit klagen über die teil / Er gebe
jm auch die selben teyl / ob er will oder nicht mit recht. Ist
aber sach / das er jm eins oder mer kost gibt / so mag er jm
mit recht / die teyl nicht geleucknen / er muß darüber klagen
vnd muß jm die mit recht angewinnen. Wer auch
das der selb seine kost gegeben hette / wissentlich seine ge-
wercken / vn̄ auch bei den gedingē gewest were / vn̄ wolte
jm dan̄ leucknen / er hette auch Erg oder nit / vnd bekē-
ten jm das seine gewercken / das er recht vnd redlich ge-
bawet hett / das möchte er basß gezeugen / mit seinen ge-
werckē / wan̄ einer vorn̄ alleynē / dauor geschwerē möcht.

Von klag vnd teil.

So ein man klagen muß über teyl auff gemessen geng
en / das muß er klagen / drei erbende tag nach einander
dem Bergkmeister / oder Bergkrichter zu büße / vnd
zu hoffe / oder auff dem marcke / oder auff der zeche / oder
wo es ist / oder seinem gesinde / wo er nicht daheim wer-
wie er die klag dar bringe / als oben geschriben steht / so
hat es krafft.

Von klag über teile.

Wan̄ ein man zwir über teil geklaget / zum drittē mal
muß er seinen klegger / oder beklagten mit sich bringen /
hat in dan̄ der bergkmeister besteriget / so mag er in ma-
nen / als er ihm befolhen hat / ob die pfenning verdienet
seind / bekennet das der stufen schleger / so sol er ihm die
teil eigē auff die er geklagt hat / so muß er dan̄ dem bergk-
meister / seine schöne geben / das seind von .xxvij. teilen.
ij. gulden. Wan̄ jm dan̄ die teile geeigent seind / so sol jm
der bergkmeister / einen gewercken zu botten geben / der
B ij mit jm

mit im gebe/ zů hause/ oder zů hofe/ vnd die teyl auff bie
te/ Ob es ein gefessen man ist/ des die teyl gewesen seind.
Ist er aber vngesessen/ so muß man sie auff bieten auff
dem marck/ oder auff dem bergke Ist auch das ein man
über teyl klager/ auff seinen gengen/ die vngemessen
seind/ der sol auch dreier fürsicht darüber klagen.

Von klagen über teile.

Ist das ein man clage muß über erbhaffrige teyl/ die
sre kost noch geben/ Den teylen muß er mit klagen nach
volgen acht tag von recht. Wan er dan die acht tag den
teyln gefolget hat/ als recht ist/ so muß er seinem stuffen/
schleger mit imbringen/ den der bergkmeister besteriget
hat/ vnd der soll den stuffenschlager manen/ ob das gelt
verdient sey/ bekennet das der stuffenschleger/ so soll er
dem cleger die teile eigē/ vñ sol nemen seine schöne. Were
aber das die gewercken wilckorn von dem bergkmeister/
das man klage nicht mer dann drei tag sichte/ das hat
also krafft/ als hette man eine wochen geclaget.

Von teyl zůterliesen/ vnd wie

man die verlieren muß.

Wer teyl an bergen hat/ an stoln/ an lehen/ oder lehen
schafften/ die mag im niemand von verseumnus der kost
verliesen/ also das man im die kost wolte anheische/ vnd
wolt ihm das zů schaden verschweigen. Heisset man im
aber die kost an/ oder seinem vorsteher/ vnd gibt er dann
der kost nicht/ so muß der bergkmeister/ über die teyl kla
gen/ So sol dan der bergkmeister einen botten/ vñ einen
gewerckē im sendē/ das er seine kost gebe zů rechter zeit.
Beschicket dz nit/ so sol der bergkmeister/ dem die teyl ei
gen/ der darüber claget.

Von teilen verlieren.

So yemandt in eyner grüben teyl hat / der im land ist
oder aufferhalbten des lands / verseumet sein besteller/
oder sein verleger in seine teyl / das er drei wochen nach
einander sein kost nicht gibet / oder nit zugeben hat / der
verleurt sein teyl mit allem recht.

Von Trenckung / Erbe / oder lehen.

Trencket ein Erb das ander / oder trencken lehen eyn
erbe / oder trencken lehen andere lehen / oder gemessen
bergk / da offen durchschleg seind. Wütet dan die erbe
oder lehē / oder gemessen berg / die getrenckt werde einer
marscheide / ob sie die vorricht haben / so soll man mar-
scheiden / so man aller schierst gethon mag. Wüten dan
die erbe / lehen / oder gemessen berg / die getrenckt wer-
den / bättē der zū eigen dem bergmeister / die sol der berck
meister von recht / die sie kiesen / darzū bestetigē mit dem
eyde / das sollen sein zwen mann / die sich an jren eren nit
verruckt haben / die sollen darzū faren / vnnnd sehen das er-
be oder lehē / oder gemessen bergk getrenckt werde / über
einem tham eines gemündes hoch / neben der strassen /
oder ein lachter / oder zwo lachter / hie disse der stufen im
irne zele Ober ganze strasse / vnnnd das es ihr frembd
wasser sey / Bekennen das die botten bey dem eyde / oder
mit dem eyde / den sie darzū geschworen haben / das das
erbe oder lehen / oder gemessen bergk / das soll man ey-
gen von recht / zū dem erbe / oder lehen / oder gemessen
bergk / die also getrenckt werden / vnnnd soll ihn dan den
frid darüber würcken vnnnd gebieten / vnd wann der frid
darüber gewirckt vñ gebotten ist / so kan den gewercken /
den der

den der frid darüber gebottē ist/Keynerlei vrtail/ das die
teyding anrührte/darnach zū schanden kommen.

Von der Erstē fürderung der gewerck en/wo sie Erbe barwen/ oder stolln treiben.

So die gemercken einen stolln treiben in jrem Erbe/
vñ lyhen hinder in / oder neben in mit jrem lyher/ so soll
sie von recht aufnehmen/das die gewercken zūm ersten sol
len gefürdert sein / So sie es aber vergessen / vnd die ge
wercken treiben jr stolln haubt vor sich / vnd qwemen kñie
herte/das sie brennd müßten setzen / vñnd die lehen hewer
wolten sie daran hindern / das mag nit gesein mit recht .
Es wer den lehenhern nemlich vorgelobet / so hielte man
in billich / wo das nicht geschicht / so sollen die gewercken
in jrem Erbe oder gewerckē die lehen haben / oder gemes
sen bergt alle zū dem Ersten gefürdert sein / darnach
sollen sie fürdern die lehen heren / wo sie die gefürdern
mögen.

Von Erben züuerlieren.

So yemand teil zū gesaget an einem gemessen gang/
bergt/oder an stollen oder lehen/oder lehenschafftē/die
einem andern gelegē seind / arbeit er da alle woch / zwo
oder mehr / vñnd der bergtmeister bekennet / oder leihet
den teyle einem andern / shener verleurre sein erbtteil mit
recht.

Von teyln züuerlieren.

Niemand mag des andern teyl verleihē wider seinen
willen/wen aber die gewerckē verleihen wollen/auff ein
gebirg / oder in einem stolln/so sol der bergtmeister den
selben gewercken lassen zūsamen gebieten auff einen ge
nanten

nanten tag/ vnd was dan da verleger wirt / das sol von
recht krafft habē. Ist aber das die drei schicht darzü kom-
men/ vñ die vierd schicht nit kommet/ die vierd schicht noch
drei achteyl mügen die leihung nit gehindern/ die andern
verleihen wem sie wöllen.

Von gemitteten teilen.

Hat ein man teyl gemittet/ da man erz hauer/ 8 mag
hawer legē vñ sendē tag vñ nacht/ wiewil er will/ vñ mag
bauwē auffz aller nützlichst er kan/ biß zu seim tage/ vñ
der sol jm/ 8 jm die teyl vermitter hat/ von recht nit werē.

Von teyln die man verleihet.

Item so yemand seine teyl einē andern verleihet/ es sei
an bergē/ stollē oder lehē/ vmb ein eigē schafft/ sie sey groß
oder kleyn. Ist dz cyner/ der sie zu lehenschafft empfangē
hat/ an seiner eygenschafft/ nit ein gebiet/ sie sey groß od
kleyn/ wenigk oder viel/ er verleuset sie nit recht / vñ die
lehē schafft damit. Ist aber das er dz nicht gehabē mag/
dem die eigenschafft gebüret/ so sol er sie aufsteylen/ mit
wissen eines gewerckē/ vnd sol sie eim beselhen / damit be-
helt er seim recht/ vnd seine eigenschafft vnd herschafft.

Von teyln zu behalten die ein man verbauer.

Der so auch teyl erbauer an berg stolln / lehen oder le-
henschafftē / von weme ihn die ankomen seint/ das er die
in gewalt hat / vnd mit den seinen gewercken Erz alda
erbauer / vnd das Erz auffhebet zwir nach dem ersten
an recht vnd spreche/ vnd seine kost darzü gibet recht vnd
redlich/ die teyl mag jm niemandt darnach angewinnen
mit keyne nrecht/ So auch ein man aufstendig des lan-
des were/ vnd het seine teyl also bestalt/ das seine kost ge-
C fiele/

fiele/vnnd darumb sich niemands die weil seines Erzes/
das künde jm zu seinem recht nit geschaden.

Von Erz zu enthawen.

Ist dz bergkleut neben einander barwen/es sey an ber-
gen/stoln/lehē/oder lebenschafften/einer mag dem an-
dern enthawē/vñ angewiesen seins bergs vñ seins erzes/
so er am meisten mag/bis das sie gegeneinander durch-
schlagen/So das geschiet/so sollen sie beide den durch-
schlag reumē/jelicher ein vierteyl eines lachters/bis das
geschworne darzu kumen/vnd entscheiden/vñ einen jeh-
lichē weisen/wo er mit recht in dem seinē mūge gearbeitē

Von Erz zūerbieten.

Es mag kein man dem andern Erz auff dem bergē
mit recht verbiten noch versprechē/vmb keynerlei schuld
oder gelt/sunder alleyn vmb sampkost der gewercken.

Von acker teil recht.

Wo man Erz sūchen will/das mag man wol thūn/
vnd das sol von recht niemant werē/komet jener des das
Erz oder das feldt ist/vñ fordert sein acker/dz ist. xxxij.
teyl/vñ beutet seine kost wissentlich zweten fromen man-
nen/er man korben/oder zeil einwürffet/der hat es mit
recht/Der dorff herr hat nichts daran. Gehet aber das
Erz über sich/so ist der zins von badstuben vnnd fleisch-
bencken/des dorffs herin mit recht. Aber das gericht vnd
alle ober amacht zūsetzen/vnd zehendern vnd nūge ist/
den fürsten vnd fürstenthum das gelegen ist/vnd das
selber gehöret in ire mūnz von recht.

Von bescheidung leuten auff ein endehaffrigen tag.

Was

Wann ein bergkmeister leuthen bescheider auff einen
endchaffrigē tag/ zū gewin vñ zū verlust/ vñ sie kumē bei
der seits hin/ wann dan der richter oder bergkmeister will
einem zūlegen/ vnd dem andern nicht/ vnd wil gewaltig
klich auffstehen von dem gerichte/ one willen der schöp-
pen/ vñnd one erhaffte not/ es mag dem/ den er hindern
will/ von recht nicht geschaden. Besetzen sie es mit den
schöppen/ das der Richter mit gewalt ist auffgestandē/
sie mögen jr recht wol ersehen.

Von lehenschafften zū behalden.

Wu ein bergk/ oder stolt/ oder lehē einander gebawē/
mit dem rechten/ vnd haben lehen hauwer/ lehenschafft
darin/ die selben lehenschafft werden alle damit gewun-
nen mit recht.

Von waltworchten zehendner/ vnd ganghawer.

Welch man walt worch/ vñ hat teyl an einer grüben/
da Erz ist/ der sol von recht in die grüben nicht faren/ vñ
alle waltworchten sollen in keine grüben farē da Erz in
ist/ die weil sie waltworchten folgen/ vñnd gangthewer
nach zehendner/ sollen von recht keyn waltwerck haben.

Von den grüben Ampt/ leuthen recht.

So ein man geschworen hat zū dem recht der eyd sey
steiger/ geben/ zimmerman/ hutman oder was amacht
er hat/ strafft man ihn durch die gerechtigkeit/ seines
amechts/ vnd thut semant mit bösen worten in der kaw-
en/ oder auff der teilstat/ vnd wirt er sein überwunden
mit zweien frumen mannen/ vnd mit einem gewercken/
C ij er ist

er ist verfallen. iij. marcken / die er zu bliß geben sol / des
sol dem bergkmeister drei marck gefallen / den gewercken
drei / vnd dem sachwalden drei.

Was den geschicht / die sich wider die gericht setzen.

Wüh ein Bergkmeister mit den Schöppen des nachts
gehet / vñ friede zu sterwn / Setzet sich dan jmandt wider
gericht / wirt der wundt oder zu todt geschlagē / so soll der
bergkmeister mit den schöppen / darnach ein gericht dar
über sitzen / vñ sol denne der sache mit clag folgē / als recht
ist / Wann der Richter das gethan hat / so mag er in wol
die helfft angewinnen / sie sein lebendick oder todt / was
auch ander leuch da gewest sein / die man nicht begreiffen
kan / vnd wegt kumen sein / begreiffet man sie darnach /
den soll dasselbig geschehen von recht.

Von des Bergkmeisters büch.

†
Eines Bergkmeisters taffel oder büch / mag auff nie-
mant gezengknis geben / Sunder allein das da geschrie-
ben wirt in den vier pencken / ingehetzten dingen / mit
wissender / die das dingt helfen setzen / das sol von recht
krafft haben.

Von Hütten zins.

So jmandt hütten bawet auff eines herin güt / er sey
Erbe oder eigē / geistlich oder weltlich da das bergkwerck
auff leit / so soll der hütten zins / von recht des Fürsten in
der herrschafft sein / da gelegen ist / Vñnd was holzes vff
der zech stehet / das in das Erbe oder zu dem gemessen
bergk gehört / das mögen die gewercken / mit recht wol
hawen / Sie wolden den lassen von willen durch beschei-
denheit / Amen.

Diz seind die Bergrecht die von aller
Erst sein von Bergwerck funden / in Behamen vnd in
Werhern / von den Burgern von der Jgla / vnd von den
Eldisten Bergkleuten bestetiget vñ beschribē seind
vnd versigelt / vnder burger ingesigel / ei-
nem jezlichen Bergkman züuer-
liesen vñnd gewinne.

DAls Erste ist / wañ des Königs
gewaltiger leihet mit recht / der burger vnd
geschwornen von der Jgla / icht verleihet
vnd bestetiget vnder sein eigens vnd vnder dem eigens
von der statt Jgla beschreibet / das / das krafft sol habē /
also bescheidenlichen / das an irem geschafft des Königs
mitte / vnd des Königs gebirge fürderung offenbar er-
scheinen mag.

Von zweierlei stoln.

In einē jzlichen gebirg mit namen nicht mer stoln be-
schriben sein / wañ zweierhandt / das eine heisset ein süch-
stoln / Das ander ein Erbhafter stoln.

Vom süchstoln.

Der süchstoln hat das recht / Wañ sein gewaltiger lei-
het mit den Schöppen von der statt / jr sein zween oder
mehr / wo sie sehē / das ein wasserseiges feldt leit / dem not
ist / das man einen süchstoln darzū füre / wann man den
leihet / der hat das recht / wo er seine wasserseige an ni-
mer / dz vor jm / noch hinder jm / niemandt bey vierthalb
lehen ein sitzet. Füret er aber seinen stoln also fern / das er
jn brenget an die stadt / das er beweisen mag / das er sibē
lachter treuget / oder eines lehen tieff / Alles das er dan

C ij verjas

verfarē hat in seiner wasserseig / darin soll noch mag nie-
mandt / on seinen willen einsetzen / wo er der teuffe nicht
reihet / als vor gesprochen ist / da ist erlenblich auß vierd-
thalb lehen / einem izlichen zūbawen .

Das Erbstolnrecht.

Wer da sprech das im ein Erbhafftiger stoln gelegen
sei / der sol es beweisen mit seiner handt / festen / was im
darzū bereitet oder gegeben ist / wih er dann seinen stoln
hat angenommen / da hat er das recht / das niemandt /
wo der Raß vngebrochen ist zwischen seim stoln / vnd der
marscheid einsetzen mag / oder darff mit recht an seinen
willen. Bringt er aber den stoln an die stadt / das er treu
get anderthalbes lehen tieff / oder zūm wenigsten zehen
lachter / So heisset es von recht / ein Erbhafftiger stoln .
Alle die selben lehen / die dann in der Marscheid ligen /
Es sey viergemefne bergt / oder minder die namhafftig
sein / Ader bruch / was bruchs ist / der in seiner marscheid
leiher / wer darinn erbet hoben dem wasser / der muß
das thun mit willen des stolns vnnnd seiner gewercken /
Die weil aber der stoln nicht treuget als vor gesprochen
ist / dieweil arbeit ein izlich man / Also das er die berge /
oder bruche / icht rieffe / die dem stoln beschriebenseint .

Das Ander Erbstoln recht.

Das ist auch Erbstolnrecht / Kumpt er mit seiner was-
serseig an die geng / der berge / die vorbenant seindt / Sind
der er Erz allein / das doch in einem freien sei / man muß
setzē

set Keyne berge. Sindt er aber Erg an gengen die vor vn-
 uerschroten vnnnd vnuerharven sein / man mißt jm einen
 berg. Also das er die sieben lehen beheldet in dem rechten/
 vnnnd er seinen stohn hat / an der lehen / sie seint Königsch /
 oder ander herin / oder der burger gefallē / dem der rechte
 darzü hat / also bescheidenlich / den Erbarn Könige hern /
 lehen den herin / jr lehen / den burgern / jr lehen / vñ ein jtz
 licher stohn behelt das recht / das ein gemessen bergt hat /
 auff sein hangendt vnd ligendts vierthhalb lehen / vnnnd
 sein ligendts eins .

Vonden Rechten der bur-
ger vnd Erbsthon.

Burger lehen recht / die in disen bergen ligen / die vor
 benandt sein / haben das recht / wo der rase / zü vorbroch-
 en ist / da sie sich nicht vorlegen möcht . Ist es aber / das
 die schöppen vnuersprochlichen jre lehen vor hant festen /
 zü dem stohn / so beheldet sie der stohn . Ist aber das jmant
 der berge / die benant sein / da Keinen bestellen will / so
 sollen die burger jhr lehen / dabei bestellen / ob sie es nicht
 vorlehen haben / Also das sie wasser halden / neben einem /
 Komēt da eine Klag über / das sie nechste lehen trenckē / mit
 jhrem wasser / Da sol man hin senden geschworne leuht
 die das besehen / welche lehen die besagen / das sie die an-
 dern trencken / die sol man zü den andern eigen zü dreien
 tagen / das heissen drei lange schicht . Also gewinnet ein
 gemessen bergt / den andern im langen lehen / ein burger
 lehen / ein horn lehen / vnd das selb widerumb .

Das

Das Dritte recht.

Erbstoln haben das recht / kumpt der selb an ein burger lehen / das da bauhafftig ist / vñ nicht geerber zu dem stoln / das burger lehen mag in nicht geweren / er fert dar ein / vñ dadurch / so bescheidenlich / wañ er kumpt in das burger lehen / als der stoln dar komen ist / Auff der sole mag er wol hauwen / ober sich vñ vnder sich / also hoch / als er mit einer Kragen reichen mag / nicht mer nutz nimpt er da / vñ weil er in dem lehen ist / Die weil soll das lehen dem stoln / das viertheil der kost geben / das kumpt dauon / das er in wasser benimpt vñ windt brenget.

Das vierderbstoln recht.

Erbstoln haben das recht / fert man mehr stoln dann einen / zu einem gebirg / welcher der aller tieffeste ist / der behelt sein recht / vñ die eigenschafft / vñ also vil gemessenener berge / ligē in eines Erbstoln marscheid / als manchen hofes set.

Das fünffte Recht.

Der Erbstoln oder gemessene berg gewinnen will / der soll sie gebieten zubestellen / drey vierzehen tag / zu kirchen vñ zu strassen. Zu außgehn der sechs wochen / sol der leihert nemen zwen Schoppen / vñ sol auff den stoln reiten / oder auff den bergk. Sinder er in nicht bauhafftig das er beweisen mag / er besetzt es mit den Schoppen / vñ sol es reidingen in des künigs gewalt / vñ mag es leihen vñ geben weme er will / 2c.

Das sechste Recht.

Das ist auch Erbstollen recht / hebet er seine wasser seige auff / oder fertiget seine liechtlöcher / vñ hat in jare vñd. vij.

vnd. vij. tagen/ ein lachter an dem haubt des stoln gefa-
ren/ dz er beweien mag/ Niemand kan jm mit recht icht
angewinnen.

Das sibende Rechte.

Keynerb/ oder leiherr hat die gewalt/ das er auff key-
nem Erbhafftigem stoln/ oder auff keynem stehn lehen
gesetzt mag/ einen Bergtmeister/ oder eynen schmid/
oder steiger/ one der gewercken willen.

Das achte Rechte.

Das ist auch erbstoln recht/ also fern als ein man mit
einẽ bogen geschossen mag/ also fern beheldet sein bergt
feldes/ darauß die bergtleut jr viehe speisen.

Nolgen recht von dem

Neufenger.

Neue gang haben das Recht/ das man sie empfahen
sol/ von niemant dann allein vom leiherr/ von recht gibet
er nicht mehr dann ein. xxxij. teil/ vnd den soll man heis-
sen rümen ein lehen der darnach ist/ Es sey der ander/
drit/ oder vierd/ hat dasselb recht/ findet er Erz/ da er
der maß zugehört. Die schöppen sollen seinen gang be-
haben/ züm minsten zween/ das Erz sol züm minsten
eins lachters langt sein zü fuß/ das in seiner sole gehet/
das ein vierdung silbers über alle seine hutten kost gebe/
vnd das die schöppen begrieffen mit jrem Lyde ob sie ge-
fraget werde von dem verleiherr/ So ist es der maß wert/
Der selbe Neufenger hat das recht an der maße/ das er
seine soll recken mag/ also langt als sein lehen ist/ hat er
mer schlechte/ in seinem lehen/ er sein zween/ oder drei/
finden die schöppen in einem nicht/ so mögen sie faren in
den andern/ oder in den dritten/ in welche sie finden solch
E Erz

Erz als vorgeschprochen ist/ damit behelbt der Newfenger
sein recht / findē sie aber nicht in der andern/ noch in der
drittē/ noch in dem der leherz gestehet/ & hat dz selb recht/
hat aber & erst nit Erz in seiner sole/ das maß wert sey/
od in seinen lehenen/ vñ ist auß seinen lehenē/ gefarē in ein
freies/ vnd hat Erz funden/ das da mas wert ist/ vñnd
hat das zū einem offen schacht bracht / damit behelt er
aber sein recht / wan er der erst ist/ der ander/ dritt/ oder
vierd/ hat das selb recht/ als vor geschprochen ist. Wirt aber
ein werr vnder in/ das man nicht weiß auß welcher grū-
ben er den gangt empfangen hab/ will man es in nicht er-
lassen/ er muß schwerē mitten auff dem rumbaum / das
er seinen gangt / auß der selben grūben empfangen habe
als das recht eiger/ vñ vorgeschprochen ist / so soll man aller
erst messen/ den messern giebet man sieben schilling/ der
Kurzen/ vnd misset außwendig der halden/ der fundegrū-
ben vierthalb lehen / darnach an izlicher seiten ein Edn-
gisch lehen/ vnd darnach ein burger lehen/ vnd ein herin
lehen/ mag sich dise maß nicht ergehen/ vor andern berg
masse / so misset man dise lehen alle an einer seiten nach
einander / vnd was zwischen dem Newfang vnd bergen
ist überich / das heisset man ein überschar / Dem New-
fenger sol man geben/ an sein gestelle ein horn / das eins
halben lachters langt sey/ da zween man neben einan-
der gestehn mögen / daran die gewercken nemen einen
Bergmeister wen sie wollen/ also das der selbe teyl mit
im habe zūm minsten. xxxij. teyl/ vnd wer an des Erba-
rers stadt ist/ der soll an den eyde gehen.

Das acht Recht von schmiden.

Das da

Das da schmide amacht heissen/da beheldet der erbar-
rer eine schicht / an die gewercken drei teyl. Hawet der
Newfenger die sieben teyl lehen/mit dreien schichtē / vnd
grüben/ vnd zwey endelste lehen/der erbarer mag in nit
höher gedrungen/ Ein lehen mit dreien orttern/eine lehen
schafft mit eim orth.

Von winckelmaß recht.

Hawet jmande auff dem hangenden/ oder ligenden/
also das man nicht weis/ob es züm berg gehört oder frey
ist/das sol man dreien gemeinē menner geben/auff irem
Eidt/den vierden von des Erbarers wegen/ also das jhr
Keyner da teyl habe/ an dem gebirg/die sollen oben auff
dem rasen die schnür ziehen/auff von dem höchsten der
geng/mögen sie es gescheiden/es soll krafft haben / Wo
aber nicht/so soll man von den gengen/der sieben lehen/
einen durchschlag führen / an die Lawen geng / Wenn
er dann recht giebt mit der schnür/vnd mit dem winck-
elmaß/des ist das Erz / Jedoch soll das Erz/das man
dieweil hawet verborget werden / Also das es weder eyn
halbe noch anderthalbe gefalle / biß es das entscheyde/
Keynerbarer hat das recht / einen Richter zusetzen auff
dem berge / one der gewercken willen. Niemandt mag
auch des andern teyl verleihen / wider seinen willen. Ist
aber das man will auff einem berg vorleihen/oder auff ei-
nen stohn/ So soll der Bergmeister den gewercken/an ei-
nem Sonntag / oder an eim andern tag/welcher im ges-
felt / auff das gebirg züsammen gebieten / vnnnd was
da verlegen wirt vnnnd beschicken / das hat krafft. So
aber die drey schicht dar kummen/vnnnd die vierd nichte
kummen / haltet fünff achteyl / vnnnd d'e dreie nichte.

D ij Die

Die vierde schicht/noch die drei achteyl/möge nicht gehen
dern/ die andern lehen wen sie wollen.

Gemeine recht in Verleihung.

Ist das jemandt spricht das er teil habe / an einem ge
messen berg / an stolln / an lehen / oder an lehenschafften /
vñ der selb berck oder stoll / oder des andern icht mit recht
ein andern vorlegen werd vñnd verhandt festet / vñnd er
griffes an mit baw / vñd arbeitet da sechs wochen / vñd
het den in den sechs wochen nicht angesprochē / er mag je
ymb ein har noch nicht angewinnen.

Von den Lehern.

Auch ist das recht das niemant soll noch mag lehern
sein / wenn ein geschwornen man in des künigs stadt / zū
nechst bey den Bergtwerckē gefessen / das kumpt dauon /
das ein Erbarer oder anders jmant / seiner teyl möge
aberzeugen mit jm selber / sunder alleyn / das der leihet /
mit seinem eyde begreiffet.

Das Añder recht.

Auch ist das Recht / wan der Erbar mit rath der ges
schwornen auß der stadt zū nechst dem Bergtwerck ist
verlegē / es sey an bergen / an stolln / an lehen / oder lehens
schafft / vñ das vñder jrem eygen / vñ vñder dem eigens
der burger von der stadt / zū rechtem Erbe / dz soll krafft
haben / das kumpt dauon / das man erliche berge / vñnd
stolle / in manchem jar zū nutz nit erbauen mag vñd das
were wider gott / sindt sich die erbare oft verkeren / ob ein
man sein erbet vñd sein güc legete auff ein gebirg / es sei
berg / stolln / oder lehen / oder lehenschafft vier jar / sechs
oder mehr / das ein ander erbarer jm das nicht mit gewalt
emp frembden solte. Lin.

Einander recht.

Ist das bergkleut neben einander erbetē/ es sei an bergen/ an stolln/ an lehe/ oder lehenschafftē einer nach dem andern/ enthauen vnd angenommen seines berges vnd seines ertzes so meiste er mag/ bis das sie gegen einander durch schlagen/ so das geschiet/ so sollē sie denn/ den durch schlagē rennē/ bis das die geschwornen darzū kumen/ vnd einen irgliche bescheidē/ wo er in dem seinen mit recht erbeten mag one hindernus.

Item

Auch ist das recht das kein besteller von sein selbs versummus/ es sei an kost oder an andern dingen niemandt seiner teil nicht verwircken oder verliesen mag.

Von ertz vordieten.

Es entmag auch kein man des andern orts auff dem berg verbiten oder vordprechen/ vmb keine schuld wann allein vmb die samptkost der gewercken.

Von teil züuerlisen

Wer teyl hat an bergen/ stolln/ lehen/ oder lehenschafften/ die mage jm niemandt verseumnusse der kost angewinnen/ er entscheid dan die kost mit dem bergkmeister/ oder mit seinem herin/ vnd mit zweien gewercken.

Von teyl züuerliesn.

Der teyl hat an bergen/ stolln/ lehen/ oder lehenschafften/ ob der selb icht verleihen mag/ die selben teyl mag keyn bergmeister eym andern verleihen/ Er sitzet dar auff mit den gewercken/ vnd mit den gewerckē/ vnd mit den geschwornen/ vnd sie jm mit recht an.

Von teil züuerliesen.

Ist das ein man seiner teil icht verleihet ein andern man/ es sey an bergen/ skoln/ lehen/ oder an lehenschafft/ ten/ vnd ist das jener/ der sie zü lehenschafft empfangen hat/ seiner eigenschafft nicht entgehet/ es sei vil oder wenig/ er verlehet mit recht seine lehenschafft. Ist aber das er nicht gehalten mag/ dem die eygenschafft gebüret/ so soll er sie aufsteilen mit wissen eines gewercken/ vnd soll sie erwan befelen/ damit behelde er sein recht vnd sein lehenschafft.

Von Freiheit.

Ist das man hutten bawet auff eines herren eigen/ er sei geistlich oder weltlich/ dz ist bergtwercks freiheyte/ dz er keinen zins dauon geben soll.

Von Freiheit.

Vnd auff welches herrn eigen bergtwerck fundē wirt vnd gemessen/ er nimpt dauon den dritten teyl der erbar/ was das selbe bergtwerck holzges bedarff in den grüben/ das soll in der herr nicht weren/ es sey geistlich oder weltlich/ r.

¶ Wie endet sich das Erste buch.

Dis ist

Diz ist Bergrecht in vnser herzn der
Mergtgrauen zu Weissen landt / vnd
was darzu gehörig ist.

Ist das einem mann geliehen
wirt ein gang / recht vnd redlich / der behelet
sieben lehen / vnd vierthalb lachter in sein li
gends / was da geng ein gehen / die seine sein / Ist das der
leiher in dem selbigem ziele / ein lehen / oder zwey auff ei
nen tagt / der findt Erz / das maß werdt sey / So misset
man zu recht / dem der gangt geliehen ist / oder seinen ge
wercken / vnd ihener beheldet seinen tagt an dem Erz /
also fern als im gelegen ist.

So einem man geliehen wirt / der da hat sieben lehen /
Ist das einem mann / auch auff dem selbigem gang / dar
nach / wie nahe es seine ziele ist / findet der ehr Erz / man
sol im messen zu recht / von welchem schacht er das behal
den / das seine fundtgrüb sei / von den selben massen.

Von der Burger recht.

Die burger von Freibergt / haben auch das recht / bei
de arm vnd reich / auff allem gebirg in meines hern landt /
das sie da mag niemandt auffgehalten / noch jr gut ver
sprechen.

Von des Brieffes.

Vnd so leuth kumen an den brieff / auff dem gebirg /
vnd vnfüg / oder warumb das sey / die selbigen leuth mit
der schrift sol man her ynent werten disen burgern / das
sie die an disen brieff setzen.

Von geschwornen leuth Recht.

Zu gebirg

Zu gebirg ist auch recht / dz die geschornē auff gebirg
keine leuch mügen außziehen / oder vnschuldig machen /
den man schuldt gibt / vmb wundē / also das die geschwor
nen zu Freiburg noch mögen thun mit recht.

Von des Richters recht.

Welcher man Richter ist zu Freiburgt / was vor dem
geteydingt wirt / das gestet er wol zu recht / auff allem ge
birg im land / wen es zu recht in meiner herin münz ge
hört.

Von Bergkrichters recht.

Alle Bergkrichter / die der Bergkmeister setzet / vnd bes
stetiget als weit als land ist / was vor dem geteydingt
wirt / die mögen nit hirinn gezeugen noch gestehn / von
der stadt gericht mit keyn recht.

Es entmag auch keyn Bergkrichter auff einem an
dern berg gezeugen / da er nicht richter ist / was er in sei
nem gericht siehet / oder hört / des mag er wol gestehen /
vnd anderst nirgen dann in seinem gericht.

Von des Bergkmeisters recht.

Ist das auch vor dem Bergkmeister icht geteydingt
wirt / oder was im wissentlich ist / das gestehet er wol vor
dem stadtrichter.

Was kaufmanschaz gezeugen sol.

Zu Bergen ist das auch recht / das man keynem kauf
schaz mer gezeugē mag / wan dreierley / das ist gewande
vnd blei / vnd pferd vnd roß.

Vom Acker teil.

Wah ein man Erz suchen will / das mag er thun mit
recht /

17
recht / kompt jener des das erb ist / vnd fordert sein acker teyl /
das ist eyn .xxvij/zc. vñ bedeut seine kost / wissentlich zweyer
erbsassen manen / ehe man korb vnd seil ein würfft / der hat
es mit recht / Der dorff herz hat daran nicht. Gebet das ertz
vor sich / was fleyschbenck / vnd badstuben werden / der zins
ist des dorff hern zu recht / Das gericht vñ münz lebē recht /
ist meines hern vnd gehört in die münz kben Freibergk.

Vmb Zueihung der gericht.

So man sich irret vñ dz berg gericht / wie ferr es geht oder
wo es wendt / das ist also entscheyden / das man soll nemen
eyne kerbe / vnd soll darein legen eyn keilhaw vnd eyne kraz /
vnd eynen schlegel / vnd zwölf eisen / vnd sol sie hengen an
eynen rombaum / vnd soll die lassen lauffen / von jr selber / al
so fern man das gehöre mag / also fern ist das gericht meins
herren / daß gestell mag der Berckmeister setzen / auffwelch
grüber will auff dem bergk werck / vñnd welche man eynen
schürb ledig findt / der setzet woll das eyne mit recht / Bauet
er den schurbs / so lang biß er eynen gang findet / den soll er em
pfaben / vonn seinem lebern / so ist eyn buder vorleget sich in
eyner tageschicht / dem leiber darff er nicht teyl geben / er wol
es dann gar gern thun.

Von dem Neüfenger.

Eyn iglicher soll den mercken dem er leibet / das er in ges
wren mag / eynes vernünfftigen leibers darff man woll /
wann er eynen gang leibet / der bebelt auff dem gang für sich
vierdehalb leben / Vñnd hinder sich auch vierdehalb leben /
vnd auffhangends vierdehalb lachter / die erst leibung hatt
kraffe vñnd bebeltet / inn den selben leben solle er bauwen
mit eym schacht / oder zwen / oder mit dreien / aber wie es in
E aller

aller ebest kumet / kumet es also fern / dz der selbige bawherz
ertz findet / das mag er wol hauen / eynen korb one far / vnnnd
soll gehen zü dem zehener / vnd soll sprechen / Herz ich bin eyn
teyl / Ertz gewar worden / das hab ich gehawen / da sendet zü
das meine herzn / vnd den gewercken gleich gescheh vñ recht.
Da soll der zehender züfaren oder senden / das damit gehan
delt werd / das meinen herzen vnnnd den gewercken gleichges
schehe vnnnd nutz sei .

Geht das Ertz für sich / so sol der zehender vñ die gewerck
en / gangt bewer setzen / die sich woll gehalten haben / die sol
der Bergkmeyster bestärigen .

Die gewergken mögen hut leuth setzen / vnnnd sollen für
itzlichen hutman eyn xxxij. teyl / setzen / auff das sie geboren
wie recht ist / vnnnd die soll der bergkmeyster bestärigen / mit
dem eyde .

Wüsst Gott dem finder / das sein Ertz für sich geht / so soll
der zehender meins herzn fronteyl auff heben / dz ist die dritt
schicht / so das geschiebet / so soll mein herz die kost darzü ge
ben / als eyn ander gewerck / Wüffen dan die gewergke eyns
Richtschachts / oder eyner hutten / da sol mein herz seine kost
zügeben .

Wohes also ferr kumet / das man meines herzn fronteyl
auff hebet / da sol man dem finder den gang messen zü recht /
das soll der Bergkmeyster thun zü recht . Der finder solle im
geben seine meß pfennig / dz seind vier schillinge / dbergkme
yster sol kumē auff den gang / vñ sol spreche / her finder welchs
ist ewer fundtgrüb / welche grüb in dan der finder weist / dia
er mit seinē eyd behalden darff / das sie sein fundtgrüb seida
soll man

18
soll man im vonn messen / so soll der finder / auff sein henc
banck treten / vnnnd soll zween finger auff sein haubt legen /
vnd soll schweren / das diß seine rechte fundtgrüben sei / Also
gebrauch ich meines haubts vnnnd meiner forderen handt /
das mir Gott so helffe.

Von gemessem Berg.

Nün sol man messen / so sol der Bergtmeister die schnür /
nemen vñ sol sie legen mitten an die grüben / vnd sol messen /
eyn halb leben / vnnnd im dem eyn gantz die gehören zu der
fundgrüben / vñ sol dan messen eyn leben / vñ oder eyns / das
heysen endelste leben / die sol man bawē mit eynē schacht / die
findt auch noch deß finders / Bawet er sie nicht als recht ist /
den soll man messen vnserm herzn / dem Warckgraffen eyn
leben / darnach vnser frawen der Warckgräffin eyn leben /
darnach dem kamerer eyn leben / dan dem bergtmeyster eyn
leben. Nün sol man ander seit anheben / mittē an der fundt
grüben / vñ sol aber messen allen wie also vil leben auff dem
selbigen gang / als man zuuor gemessen / so im der gang also
gemessen würt / den sol man bawen als recht ist. Die fundt
grüb mit iren dreien leben / sol man bauē mit eynem schacht /
verlegen sich die leben / drei tag schicht / in dreien Erbeten
tagen nach eynander / am Sonnabet mag man nicht ver
leihen / darnach meins herzen leben / vnnnd meiner frawen
leben / die haben beser recht / die mögen sich nicht verlegen /
sie thar auch niemant leihen / wann mein herz selber / Aber
weme er die gewalt giebet / sie haben auch das recht / das in
niemandt enthawen soll / sie sollen auch niemant enthawen
der der herzen leben sollen sie bauwen / Thün sie das nicht /
so solle sie der Bergtmeyster leihen / so er beste mag / Er zu
dem minsten vnnnd halb / das selbige recht haben beyde bur
ger / vnnnd Bergtmeyster leben / Vnnnd wille sie dann nie
E ij mandt

mandt bawen/so sol der bergtmeyster den bewern entbieten
das sie jre leben bestellen vñnd bawen als recht ist/ Thun sie
es dan nicht/so soll er sie leihen/vmb meins herzn recht/ Der
Bergtmeyster oder sein leiber keinet es dann also fern/ das
man Erz findet/ auff dem selbigen gang / oder auff andern
gängen da bei auff dem feld / den soll man messen / gleicher o
weiß als man diesen vorgeantten berg/da muß der maß ge
brechen.

Von zween bergen die auff zweien gängen bei cynander gemessen werden.

Ist das zween berg auff zweyen gängen gemessen wer
den / bey cynander / der vorn erst gemessen ist / der verlegt
sich/der ander bleibet bawhafft/vñnd es köme also fern/das er
wider verleget würd/ Es soll dem andern nicht schaden/an
seinem recht / hilffte jm gott das er Erz findet / man soll jm
vorgeben/das kumpt dauon/das sichs vorleget hat/Weche
leben jre erste leihung behalden/auff dem selben gang/die be
halden jr recht.

Wieman über teyl clagt.

Ist das cyn man bawet der cynen bawer heyst / vñ giebt
teyl cynem andern man / das er sie mit jm bawe / die weil er
jm keyne kost giebt / so entdarffer nicht clagen über die teyl /
er giebet jmandt teyl ob er wil / od lost es ob er wil mit recht.
So er jm aber etwas kost giebt/od nicht/so mag er es jm zu
recht nicht geleucknen/ Er muß darüber clagen / vñnd muß
sie jm abgewinnen / als recht ist. Woh aber der selbige seine
kost gebe wiffentlich seinen gewercken / vñnd wer bei den ges
dingen gewesen/vñnd sbener wolt jm leucknen / Er het auch
ertz oder nicht/ vñ ob jm seine gewercke das gestündē/das er
recht vñnd redlich gebawet het/möcht er es aber baß behalten
mit feld

mit seinen gewercken/wenn jm einer allein daruor geschwö-
ren/möcht. Ist dann das ein man über teyle clagē muß/
mager geclagen über teyle/da nicht öffentlich vordinget ist
vnd mit dem Richter wissentlich.

Von clagen über teyle auff ge- messen gengen.

Ist aber das ein man clagē muß über teyl/auff gemessen
gengen/der muß clagen die erbente tag nacheinander wi-
derumb erclagen/des ersten tages in einem ding/vnnd die
andern zween zū hauf vnd zū hoff. Oder mag er zū allen ge-
clagen dem Richter auff dem marcke/oder auff der zech ob
es krafft habe / oder ob er des richters gesindt clagt / ob der
richter daheim nicht wer / wenn ein man zwir geclagt über
teyl zū dem dritten mal/mus er seinen stuffen cleger mit jm
brenge/hat in dan der richter bestettiget / so mag er in ma-
nen/also er jm beuolben hat / ob die pfennig verdienet sein
oder nicht / gesehet dann der stuffen schleger / so mag der
richter die teyl eigen ober die er geclagt hat/vñ muß der ge-
dingen dem Richter schinde geben/wann es alles geeigent
würt/so sol jm der Richter einen gewercken geben zū botten-
der mit jm gehe zū hauf vñ zū hoff/vñ es auffbiet als recht
ist. Ist er dann da nicht besessen/auff dem gebirg oder berg/
oder in der stadt zū Freibergt / so müs man es auff dem
marck auffbieten.

Von clag über teyl/ auff freien gengen

Ist das ein man über teyl claget / auff freyen gengen die
vngemessen sein/der soll auch dreyer tag schicht darüber cla-
gen. Ist das einem mann also teyl geeigent werde/als recht
ist/es sei in einem erb / oder auff gemessen bergē/oder an les
E ij heneue

benen/oder woh es sei/den trete einen not an/oder teidingt/
darumb mag er es behalten/ob es in einem erb ist/mit sei-
nem bergkmeister oder richter/ob es in lehenen ist/das man
die mane wie recht ist oder er mus es mit gezeug behaldenn
selb dritte/wann er es mit clag gewonnen hat.

Von clag oder erbhaffte teil.

Ist auch das ein man clagē muß über erbhaffte teil/die
nicht ire kost geben/da muß er clagen drey vierzeben tag/
aber mag er mit der ersten clag die vierzeben tag behalden
oder nicht. Ist das er clagt als recht ist/in der dritten clage
muß er seinen stufen schleger bringenn/den soll der bergk
meister haben bestetiget/als recht ist/vnd soll den manen/
vnd soll die eigenen als vor geschriben ist. Wer es aber
das die gewerckē wilkorte vor dem bergkmeister/das man
clage dreyer tag schichte/das hat also grosse krafft/als ob
man die drey vierzeben tag daruber geclagt. Ist aber dz die
gewercken willkore vor dem bergkmeister/ire kost zugeben
oder auff tag wann die ersten weisse derihenigen verdienet
werden/so mag man klagen/es seiddenn das die gewercken
eine andere wilkore machenn/vor dem bergkmeister.

Von verdingnus recht.

Wo man verdinget auff gebiergē da soll die gewercken
billich alle dabey sein/oder soll jr wort sein/dan man mag
zū recht/keines mannes teil geeigenē/der wort jr nicht wer/
wer es aber das ein man nicht wolde zūm geding kumē/die
soll der richter besenden/auff eine zeit/vnd jm sagen das die
gewercken wollen verdingē/kumet er dan nicht/so mus es
sein wort sein/zū recht/oder man gewinet jm seine teil an
als ein andern man.

Siß ist von den erben.

20
Ist das sich eine zech vorleit das gemessene geng sein/
wäßerhalben/das man in vor wasser nicht gebaue n mag/
ane stolln/kumē leut vñ mütē def züm bergkmeister / ob er
in wolt behaltē die zech/ od dē bruch/od wolt in feldē/dar zü
vererbē /zü einem stolln/vm̄ meines herzē zehendē sie wellen
jr alder vnd jr arbeit/ darlegen / der bergkmeister hat keine
gewalt dz nicht züleiben/ane meins hern wort/ist aber das
mein herz seine gnad darzū thüt / vnd heifts außgeben zü
einem erbe/so leith es dan an dē burgern zü Freyburgk wo
dz leit im lant/bey Kemnitz/bey Weysen/oder wo es leith/
die sollē von Freyburgk darzū reitē mit dem bergkmeister/
den soll man geben ein eimer weins/vm̄ jre arbeit/die sollen
das bergk wergk besehē/als lieb in jr ehz ist/zü dē stolln vñ zü
der zech /sollē sie gehn/vñ bereitē/als viel feldes/als es dem
stolln eben ist/ vnd meinen herzn vnd dem lande / da nutze
sei/ weñ das geschiet/so hat mein herz sein frontel gelassen
vnd so müssen die herzn/jre gemessene leben alle lassen/das
sie daran nicht mer haben.

Wodie gewerckē ansitzen vñ fürē iren stolln/vnd sinckē
recht ein lachter darauff / da mögenn sie auff bauen vñ
vorleiben/wie sie wollen / das in aller nutzlichst ist.

Der bergkmeister hat keinen gwalt zü leiben/anichte/es
sei dann also viel als leuth kumen vnd mütē lebē kegē den
gewerckē/hinder jrem sordrißē lichtloch / die mögē sie leiben
oder mögen sie selber bauen / woldē den sie weder leibē noch
selber bauen/so soll in d bergkmeister gepietē/auff eine zeit/
das sie selber bauetē/oder verlegen/wenn man jr gemutter
bet / Liten sie es dann nicht / so hat der bergkmeister die ge
walt das er sie mag zü recht / vmb eine eigenschafft leiben
ob er mag/will man jr darumb nicht / so mag er sie leiben/
vmb meins herzn zehenden.

Von

Von stolln recht.

¶ Und die gewercken sÿren jren stolln vorsich / wie ferr sie kÿnnen mit jrem sÿndristel lichtloch / vor dem vnd vor jrem stollnhaupt mag sie niemant gedringen / weder zÿ bauen noch zÿ leihen / wider jren wiellē / kqweme es oder also fern / das die gewercken selber bauetē / an dem sordristen zeile / vñ lisen es dan̄ aber liegen / also das sie es weder baueten noch verlegē / so hettē sie jr recht verlorē / also daß der bergkmeister die gewalt gewonne / in dem sordristen ziele / als in dem hindristen mit recht.

Wie man wÿste erbe empfangen soll zc.

So sich ein erb verbauet vñ wÿst leit / aller ding / kÿnnen leut vnd wöllen die bauen / die sollen kÿmmen zÿ dem bergkmeister / der hat allein die gewalt zÿ leihē / vñ sollen sprechen / herz bergkmeister wir clagen euch über das erbe / daß leit wÿst / das muten wir legen euch / was jr vns darumb bescheidet / deß wöllen wir gerne warten / müssen nÿn zÿ recht viij. tag behalten / beide bergkmeister vnd klegler / wen̄ man spricht / das sich ein erbe / in sechs wochen vorlegen soll / oder sollen sie von dem tag über sechs wochen / mit vmb geben / er fraget nach / wenn also leuth kÿmen / vñ muten ein zÿ dem bergkmeister / der Bergkmeister soll in bescheiden über viij. tzeihen tag / vnd sollen das heimlichen handlen / vñ soll bynnen des selben rieten / ob er mit ichte mag hinderten oder adēuge. Aber ob es jm zÿ ferr ist / so soll er darzÿ kiesen einen getreuen man / auff den er bauen darff / oder schweren / ob es nach geschiet / vnd soll dem beselben / das er sehe die zeit / ob man daraufficht erbete / das soll er thÿn als lang als recht ist / vñ soll auch den leuthē die es muten als lang bescheiden als

21
als es recht ist/ Ist es dan / das es sich also ferr vorleith / drei
viertzeht tag / so sol der bergk meyster darauffreit one wider
red / vnd soll jm keine not benemen / vnd soll anheben an der
wasserseich / vnnnd soll reitten bief oben auß / vnnnd soll besoz
hen / alda die bruch vnnnd alle die locher / die darzu gehoeren /
findet er es dann wuist / so soll er das selbe erb / zu handt alda
teidingen in meins herzn gewalt / vn̄ sol es leiben dem man
der es gemuertet hat / recht vn̄ redlich / lege er es jm an keyner
andern stadt / dz entbete keyne krafft. Es mag auch niemāt
anderst thun / denne er zu recht / Ist es dann / das es so ferrn
kompt / dz der Bergk meyster eyn erb verleibet / eynem man
der sol auch allen seinen fleiß darzu legen / dz er in es gewere /
vnd in dabei behalde / mit recht. Owem es dan also ferrn / das
der selbe bawer / od̄ eyn ander des bergk meisters bedorfft / das
er gestehen muesse / vmb das selb erb / so muesse man in manen
mit meins herzn hulde / das sich dz selbig erbe / also lang ver
lag abebro / das ich selber darauffriet vnd teidingete / es in
meins herzn gewalt / vnd leige es dem mann / recht vnd red
lich / das es sein ist / mit mehrem recht / wañ eyns anderst je
mandt wider duncket euch / das er gestandē sei mit der rede /
od̄ wolt jr das jr mehr werde. Nun last sein das jr mehr sein
hien od̄ her wañ er auch die wort erfüellet die hieuor sein vn̄
stehn geschriben / so solde er jm gestanden sein / ob es euch
recht duncket / kumet es dan also ferrn / dz er selber beuelh oder
eyn ander mit solcher arbeyt / Ertz erfolget / in eym erbe oder
lehnem / vnd mit recht darzu kumen ist / vnnnd bringet das
zu liecht vnd hebet das auff drei teylunge one anspruch wiso
sentlich / der beheldet es biellicher / vn̄ bas dan es jm jemāts
abe gewinnen mag / mit keinem recht / vnnnd wie sol er es be
balden mit seins eyner handt / oder wie duncket es euch dar
umb berecht sein / kumpt auch also ferr / das gewercken faren
f einen

eynen stolen in eyn Erb/ vnd leihen leben hinder oder neben
jn/ so nemen sie das auß bielichen mit eynlibere / das man
die gewercken nicht hindere / vnnd ob die gewercken suren jr
stolen haubt vorsich/ vnnd sie qwemen an eyn herte / das sie
brend müßten setzen/ vnnd die bewer wolden sie deß hindern/
das mag nicht gesein/ mit recht/ es were dan also vil / das sie
es zūvor auch hetten gewonnen mit nammen / das halde
man jn billich / qweme es auch also ferre das der gewercken
wasser hinderte/ die hawer in dem erbe/ oder ioch/ es were da
wasser noch ist/ Da soll man botten zū geben / die darzū sa-
ren vñ entscheyden zū recht/ das eyn ytzlicher man sein was-
ser fertige/ von dem seinen/ wo sie es besehen als recht ist.

Wo gewergken mit eynander bawen eynen bruch oder le-
hen in eynem erbe/ vnd finden Ertz/ vnd verkauffen zehen o-
den also lang/ biß es schwach oder abgehet / vnd eyn teyl ge-
wercken wellen auff lossen / Die andern wollen da bawen /
meinem Herzn zū nutz vnd auch jnen selber vnd jbene wöl-
len es also auflosen/ das sie bei jrem erb bleiben / vnnd jbene
sprechen / sollen sie jr güth darlegen/ sie wöllen auch warten
deß erbes/ das zū den teylen gehört / vñ die eynen wöllen des
Erbs nicht auflassen/ vnnd wöllen es auch nicht bawen/ da
fraget nach.

Von teylen die eyn man mittet.

Mittet eyn mann teyl / da man Ertz bawet eyn xxxij.
teyl oder mehr/ der mag bewer senden / oder legen wie vil er
will/ tag vnnd nacht/ biß zū sein tage / das mag jm ibener
nicht geweren / deß die teyl sein / er bawet auffz nutzlichst er
mag / Aber zū heiligen getzeiten / wene ich nicht / das er icht
gebawen müge/ mit keinem Rechte/ mögen jm aber die ge-
wercken weren/ den bewer nach seiner lust oder nicht/ da fra-
get nach.

Von teyln

22

Von teylen die eyn man mürbet.

Welch man walt werck hatt zü eynrer grüben/da Ertz ist/
der soll in die grüben nicht faren/vnd allen rechten/sollen in
keyne grüben faren/da Ertz ist/die weil sie walt wercks pfles
gen/vnnd keyn hawer soll auch nicht waltberck haben.

Wir an argk/vnnd Heynrich
von Waldenbergk herzn zü Wockensteyn/
Bekhenen vor vns/vnd vnser Erben/das
wir vns mit dem Hochgebornē Fürsten vñ
herzn herzn Friderich vnd hern Wilhelm vñ herzn Friderich
Landt grauen in Dhorzingen/vñ Warck grauen zü Weiso
sen vnsern gnedigen lieben herzn vnd all iren Erben/vmb
das Bergk werck zü Ernfriderpsdorff/vnd auff allen vnsern
güttern/beteydingt/vereynt habē vñ übereyn kumen seind/
in aller maß als hernach geschriben steht.

Zü dem Ersten sollen sie alle gericht/vnnd recht haben
auff allen gold vnnd silber gängen/auff allen vnseren gü
tern/vier leben auff dz hangengt/vnd vierthalb leben auff
das ligendr/vñ sollen ire Bergkmeister vnd Amptleut dar
hien setzen also auff andern von Bergkwercken/die auff den
bergen vnd in den butten/vnd auff den hossen/die dar zü ges
hawet werden/richten sollen/wann das not geschiet/Auch
haben die obgenanten vnser gnedige herzn/vns vñ vnsern
erben/durch des schadens wiellē/den wir an vnseren Bergk
wercken nemen/vnd auff das golt werck vnnd sylberwerck/
deste fürderlicher gefertiget werde/die gnade gethan/das
vns vñ vnsern Erben auff den güttern die wir haben zwey
f ij teyl von

teyl von dem zehenden vñ an den dritten teyl folgen sollen /
An den golt vnd sylber gängen auff allen vnsern gütern in
solcher weiß neme sie nicht meer eynen hauffen zū zehenden /
das soll vns auch zwey teyl / vñ eyn drittel eingefalle / vnd
folgend hilff euch Gott / das gold werck auffstünden in vn-
sern lande / das also gütt würde / das der zehende daran gül-
de drey pfundt / oder mehr / darzū sollen sie vns zū steuer ge-
ben. vñ. guldin Vngerisch / wob auch das selber werck auff-
stünde / in vnserm lande / so dz der zehende / daran auch drey
pfund gulde oder meer / so sollen vns darzū stewart geben. iij.
newe schock groschen / Was auch büßen auff dem berg ge-
fallen die büßen sollen vns halb gefalle / Auch soll man ob
das gold vnd silber / das auff dem Bergt werck / auff vnsern
gütern gefellet / iren amptleuten das selbst geben / vnd ent-
wer den / die das fürder in ire müntz gehn freiburgt bringe
sollen da man vor yede margt goldes Bergisch gewicht ge-
ben soll / lxiiij. guldin vnd vor yede margt selbers des sel-
ben gewichts .xxvij. guldin die guldin vñ die grosche / was
der wirt / die vns gebüren / die sollē ire amptleut / wider auff
das Bergt werck bringen vnd das forder den vns antwor-
ten vnd bezalen sollen / vñnd wann man das überqweim mit
iren amptleuten / die darzū gesetzt werde / das gold oder sil-
ber nit in ire müntz antworten / als oben geschribē stet / den
sol man büßen als müntz recht ist / Auch sol vnser gnediger
herz keine freie margt lassen berüffen / bei eyner halbe meilen
wegen von Ernfriderstorf oder von dem thüme / oder von
dem Heyer / oder bei eyner halben meil wegen wolckensteyn /
oder der schopa / Es wäre dan das ire Amptleut erkentē das
es not wer / vñnd das man das nicht entperē kundt / so müs-
gen vnser gnedige herzn den lassen berüffen / vñnd den ha-
ben / das sie doch mit vnserm willen vnd wissen thun sollen /
doch

doch so mag jederman der da bauet sein brodt/fleisch vnnnd
gedrenck wol da haben auff dem bergt wergt / mit/dieweil
der freymargt nicht beruffen ist / daß wir nicht weren noch
hindern sollen/sunder hier ob das jemandt schenckē woldte/
der soll sich deß in vnser hern steten erholen/ vnd wir sollen
bestellē das man in das inn gewonlichem kauff geben soll/
als man das thut in andern stedtē/die darumb gelegē sein/
es wer dann daß sein darinne gebrechen/so sollen sie sich deß
anderstwo erholen/in welchen steten sie wollen/Auch sollen
wir vnd vnser erben/auff den selben bergt wergtē fleisch
benck/vnd brotbenck zol/buttenzins vñ des schrot ein acht
haben nach gewonheit vnnnd recht/als das auff iren andern
bergt wergtē gewonheit vnd recht ist. Auch sollen vnser
leuth die igt gereid bauen/auff dem goldt oder silber gen
gen auff vnsern gütern dabey bleiben. Vnd jr bergt mei
ster auff den bergt kimmēt/so sollen sie die lehē von jm ent
pfaben. Was aber ledigt wer vnd lege/das soll jr bergt mei
sten leihen/ als das gewonlich ist/ es ist auch gereidinget/
wer das zingeng gingen an die goldt oder silber geng/also
das man die zingeng one der goldt oß silber geng schaden
nicht geerbeten kündte / so sollen die zingeng stiller ligen/
vñ das goldt oß silberwergt soll vor sich so lang / biß man
die zingeng /one schadē der goldt oß silber geng/geerbeten
mag. Were es auch dz egegenante bergt wergt wüßte würd
oder ledigt leg/Also das man dz nicht me bauet / so soll das
gericht wider vnser sein/biß so lang/das daß goldt oß
das silberwergt widerbaubaffrig würde/onges
ferdt / hiebei sein geweest vnnnd getzeugt zc.

Anno domini. M. cccc. vñ vij. Domi
nica Galli jnn Grim.

1407

f iij

1573
1408

267

Von erkantnis der

Berckwerck.

Wie man berckwerck vnd ertz aller metallen erkennen/
suchen vnnnd erstlich finden sol/nach gelegenheit eines
jetzlichen gebürges od ertrichs/auch der selbigē geng/clüfft/
fletze vñ ander berck geschick künstlich mit artlichen figuren
angezeigt/sampt der abteilung der welt vnd der werck der
natur vnder d erdē/welcher geng/clüfft/oder andere berck
geschick/angebürigen oder in freyem feld/metallisch ertz
fruchtbarlichē mügent gebären/höflich daselbst zū bawen/
auff dz der vnkost nit vnütz auffgewant/Wie wol nit not
ist zū wissen die wunderbärliche wercke d natur so vnder der
erdē gebraucht welche vermittelt minerischer craffe hie nach
angezeigt wurt/Auch wie die geschick der clüfft vnnnd geng
nach gelegenheit vnnnd anzeigung der sintflus streichen
vallen oder jeren außgang habent/von jetlichem metal in
sunderbeyt/es seye golt/silber/kupber/wismat/zin/pley od
eyfen/auß anzeigung nachfolgender figuren/mügent alle
berckuerstendige oder newe vngeübte berckleut/erkantnis
vñ anweisung haben/wie die metallischen geng in berg vñ
thal jr natürliche wachsung artb vnd würckung habent. &c.

Metallische ertz zübereiten/auch von des selbigen ertzes
ankunfft vnd vrsprung ist diser begriff auß der
alten weisen büchern vñ geübter berck
leutb erfahrung gezogen vnd würcb
hie nach mit figurē außge
teilt in zehen ca
pitel

Das erst Capitel von ge
meinem vrsprung der Erzg.



DEr gemein vrsprung der erzg/ Es sey silber/
gold/ zinn/ Kupfer/ eysen/ oder pleyartz/ in
welchem sie all über ein trettent/ vnd mit eis
nem namen geneit werden/ metallisch erzg.
Ist zu mercken/ das zu der wachsung/ oder
geburt metallisch erzgs/ gehöret ein wyrcker vnd ein vns
derworffen ding/ oder materien die da geschickt ist zu em
pfahen

pfaben die wyreitung. Der gemayn wyrecker des ärtz vnnnd
aller ding die da geboren werden / ist der hymel mit seinem
lauff / schein vñ einfluß / als die natürliche mayster sprech-
en. Der einfluß des hymels wirt gemanchfeltiget durch
den lauff des firmaments / vñ widerlauff der sibē planetē.
Darumb eyn yegklichs metallisch ärtz / einen sonderlichen
zügeaynerenn einfluß entpfacht / von seinem aygnen pla-
neten / vmb aygenschafft willen desselbigen vñ des ärtzes /
auch vñ ayngkeit / inn wärme / keltē / feuchte vñ truckne.
Als das Holt von der Sonnen oder irem einfluß / dz silber
vondem Mon / das Zin vom Jupiter / das Kupffer von
Venus / das eyssen von Mars / dz Pley vō Saturno / das
Quecksilber vom Mercurio gemacht wirt. Darumb die
Metall gar offte von Hermete vñ von andern weysen mit
diseu namē genenet werde / als das Gold Son / lateinisch
Sol / das Silber / Mon / lateinisch Luna / genennet wirt /
als klärlich inn den gesünderten Capiteln eines yegklichen
Metalls gesagt wirt. Also vil sey kurzlich gesagt vō dem
gemeynen wyrecker der Metall vnnnd ärtz. Aber dz vnder-
worffen ding / oder dye gemeyne materi aller metall / ist
nach der maynung der weysen / Schwefel vñ Quecksilber
die durch dē lauff vñ einfluß des himels müssen veraynigt
vnd verberttet werde / zū einem metallischen cörper / oder
zū einem ärtz. Nun halten etlich das durch den lauff vnnnd
einfluß des himels / werden auß der tieffe der erden vnnnd
Schwefel vnd Quecksilber auffgezogē dūnst oder bradem
(exhalationes minerales genant) vñ im auffrauchē in gen-
ge vñ klüfte / durch wyreitung d Planetē verayniget hat /
vñ zū einē ärtz gemacht. Noeh sind etlich die haltē nit dz die
metall von dem quecksilber gewyrecket werde / die weyl man
an vil ötteren metallisch ärtz hat vnnnd doch kein queck-
silber da selbs finde / sonder für das quecksilber setzen sie inn
materi

25
materi feucht vnd kalt schleimig on allen schwefel/ die ge-
zogen ist auß der erden/ als ire schweiß/ darauß mit ver-
mischung des schwefels/ alle metall gewircket werden.
Nun wie dem allen/ nach güter verstantnuß vnd rech-
ter auflegung/ ist eins jetlichen mainung recht/ vnd das
ertz oder metall wirt gewircket auß der feuchtigkeyt der
erden/ als auß einer materi des ersten grades/ auß dem
donste oder bradem von eynem teyl/ als auß seiner mate-
rien des andern Grads/ wölche beyde/ alhie quecksilber
genant werden. Item/ in der vermischung oder vereyni-
gung/ des quecksilbers/ vñ schwefels im ertz/ helt sich der
Schwefel/ als der männlich same/ vñnd das Quecksilber/
als der weiblich sam/ in der geberung/ oder empfangung
eins kinds. Also ist der schwefel/ als ein sonderlicher ge-
eygnetter wircker der ertz oder Metallen.

Das. II. Capitel.

Von gemainer geschickligkeyt der
Gepürg.

Wiewol die einflüß des himels/ vñnd die geschicklig-
keyt der materie/ gehören zu d' wirckung eins jeden
erz oder metall/ dannoche sind dise nit gnüg darzu/ das
dise geperung der erz bequemlich beschche/ sonder darzu
gehört ein ertzig geschickligkeyt der natürlichen gefäß/
darin das ertz gewirckt wirt/ als da sind die geng/ näm-
lich staynende gäng/ flachgeng/ schwargeng/ Creuz-
genge/ oder wie die nach mancherlay land art genent
werden. Auch hören darzu bequemme weg oder zügend/
darin die minnerische/ oder ertzliche krafft zügang haben
möchte ins natürliche fassz/ als do sind die klüffe/ nämlich
G hengklüffe/

hengklüffe/ querckklüffe/ flachklüffe/ crengklüffe/ od an
 der zufellig flögwerck/ wie dz nach mächer lād art geneñt
 mag werde. Auch gehört darzu ein geschicklich läger des
 gebürgs/ darin die geng vn klüffe streichē. Die gemeyne
 geschickligkeyt des gepürgs/ od des lägers/ ist an etlichē
 ortē gegē dē morgē/ an etlichē örterē gegē dē mitrag / an et
 lichē gegē dē abent/ an etlichē ortē gegē d mitternacht/ an
 dē geheng des bergs. Aber dz geheng/ od läger des gebür
 ges/ gegē dē mitrag/ ist mer geschickt dan d andn eins/ zu
 fürē guldig ärg/ so es vō dē mitrag vor sich hat ein flachs
 abgefengts teyl. Vñ dz ist die best geschickligkeyt aller ge
 pürge die zu bawē sind. Des zu einer anweisung / volger
 dise figur.

Der auffgang/ oder Morgen.

Die Mitternacht.



Der Mittag!

Der Nidergang/ oder Abent,

28
Zu einer erkantnus diser yezgesagten stuck / von den
Ortern der welt / auch der nachuolgenden stuck / ist zu
mercken / das das gang erdrich geteylt wirt in vier
vnd zweynzig teyl / nach dem circel Orizon genant / der
da den himmel inn das ober vnd vnder theyl thaylet / all-
da / da der himmel nach dem gesicht die erd begreiffet.
Am ersten wirt er getheyle inn vier theyl / mit zweyen li-
nien / die creuzweiss über einander streichen / nach gleich-
em angel / oder ecken / auffgang oder morgen / mittag /
nidergang oder abent / vnd mitnachte genant. Darnach
eyn yeglicher theyl wirdt getheyle inn 6. teyl / auff den
anfang sechs züsetzen / darnach 7. 8. 9. 10. 11. auff die
andern theyl vor mittag. Vnd darnach auff den mittag
12. vnd 1. 2. 3. 4. 5. auff die andern theyl nach mittag.
Darnach auff den abent / 6. 7. 8. 9. 10. 11. auff die an-
dern teil nach dem abent. Darnach vff mitternacht
12. 1. 2. 3. 4. 5. auff die andern theyl nach
mitternacht. Als die zeit ist abgetey-
let nach dem halben zeyger.

Zu merer erkantnus
volgt dise Si-
gur.

Der Mittag.

Der Morgen/oder auffgang.



Der Abent/oder nidergang.

Die Mitternacht.

Das III. Capitel.

Von dem streichen vnd aufgehend
der gâng vnd klüfft.

Streichen der gâng/ist ire sterckung/nach wöllicher
die gâng sich ferner hinweg ziehen/ nach der läng
zwischen dem gesteyn des bürgs. Diß streichen ist etlich
von dem morgen in den abent/ etlich von abent in den
morgen.

morgen. Difer gang hat sein streychen auß dem morgen
 in den abent / wölchs gestain in hangends (mit seinen
 schmerklüfftelin) sein fallend hat gegen dem abent / vnd

Der Morgen.



Die Mitternacht.

Der Mittag.

Der Morgen.

herwiderumb der gang streicht auß dem abent inn den
 Morgen / wölchs gesteyn fallent ist gegen dem morgen /
 als hie bezeychnet ist in der figur. Dis wirt geteylt nach
 dem geheng des bergs. Der erste figur geheng ist gegen
 dem mittag. Der andn figur gehenge ist gegē mitnacht.

G iij Der

Der Abent.



Der Mittag.

Die Mitternacht.

Der Abent.

Auch ist etliche streichen der gāng / von Mittag in die
Mitternacht / vnd etliches widerumb von der Mitter-
nacht in den Mittag / das vernim nach dem fallen des
gesteyns / zūgleich wie yezund oben gesagt ist / das wirt
aber geteylt nach dem geheng des berges / als hie bezeych-
net ist.

Der Morgen




Die Mittnacht.

Der Abend.

Der Mittag.

Der Mittag.



Die Mitternacht.

Auch ist etlichs streichen der Geng / von dem mittel /
zwischen dem Morgen vnd mittag / in das mittel zwisch
en dem Abend vnd Mitternacht / Vnd etlichs herwider
umb auß dem mittel des Abents / vnd der Mitternacht /
inn das mittel zwischen Morgen vnd dem Mittag.

Der Mittag.

Der Morgen.

Der Abend.



Die Mitternacht.

Auch ist etlich streichen der Geng / von dem mittel
 zwischen dem mittag vnd dem abent / in das mittel / zwi-
 schen dem morgen vnd der mitternacht / vnd etlich her-
 widerumb von dem mittel zwischen morgen vnd mitter-
 nacht / ins mittel zwischen Mittag vnd abent. Das wirt
 aber geteylt nach dem geheng des bergs / als hernach
 volgt in diser figur.

h

Der Mittag.



Der Morgen.

Der Abend.

Die Mitternacht.

Auch ist etlich streichē der Geng zwischen den vier orten der welt/ vnd ire mittel zwischen eynem jetlichen ort zweyerley streichen. Also sind aller geng/ die ir gericht vnd schlechtes streichen haben/ vier vnd zweinzigerley streichē/ als leichtlich zūuernemen ist in der vorgesetzten figur/ von der teylung der welt. Auch sind etliche geng/ die ir streichē nit gericht oder schlechtes habē/ sonder rund nach ein halben circel/ oder gestürzt von zufelligem geschick. Die selbigen streichen/ yetz vnd von dem Morgen gegen

gegen mittag / vnd herwider vom mittag in den abent/
oder von andern ortern der wele. Dise geng / als sie vn-
gleich an iren streichen / also sind sie auch vngleich an iren
geschicken / als in andern capiteln volge.

Auch sind erlich geng / die ire streichē haben in flachem
feld / darnon genent wir das feld gebew. Auch erlich die
ir streichen haben in dem gesenck oder inn dem thal / vom
Morgen inn Abent / oder herwider vnnnd vom Mittag
in mitternacht oder herwider / vnd als vor von andern or-
ten der welt / so vll sey gesagt von den streichen dergäng /
volgt nun zu reden von hangends vnd ligends.

Der Mittag.




Se Abent.

Der Morgen.

Die Mitternacht.

B 9

Der Morgen.



Der Mittag.

Die Mitternacht.

Der Abent.

Item ein jertlicher gang / hat sein hangends vnnnd ligends. Hangends des gangs ist sein dach über dem gang daran sich der gang mit de rucken stoft. Sein ligends ist sein gesteyne / daraußer ligt / doch sind etlich geng / die also gerichtet jr fallen haben / das man nit wol hangends / oder ligends daran erkennē kan / dan alleyn von zufelligem hengklüfften / die eyn anweisung darzu geben mögen / auch zu allen ortern der welt / als sie vorbenant sein.
Zu dessen

Zu dessen erkantnus besche vorzende Figur. Das sey ges-
sagt von hangends vnd ligends der Gång / Nun volge
von außgehen der Gång.

Item/ Ein jeder Gang hat zweierley außgehend/
Das ein ist dz außgehend gegē dem tage/ nach der gang-
en leng des Gangs/ Das heyst des ganzen Gangs auß-
gehend. Das ander außgehend ist wider das streichen/
oder entgegen dem streichen des Gangs/ nach seinem ge-
steyn/ das heyst des gesteyns außgehend/ Als ein jeder
er Gang/ der sein streichen hat auß dem Morgen in den
Abent/ der hat seines gesteins außgang gegen dem Mor-
gen/ vnd widerumb von dem Abent in den Morgen/ der
hat sein außgehend in den Abent. Also vernim auch von
den andern örtern der welt/ vnd nach dem der Gang ge-
schickt ist an seinem streichen/ so mag diß außgehend der
gesteyn auch sein/ nach allen örtern der welt/ als inn den
vorgeschribnen figuren leichtlich zu vernemen ist. Souil
sey gesagt von außgehend der Gång.

Zu mehrer erkantnus diser sersgesagten stück von den
örtern der welt/ vnd von streichen der Gång/ Ist zu mer-
cken/ das ein Compass in einem sonderlichē circel/ sol ge-
teylt werden in vier vnd zweinzig teyl.

Am ersten mit zweyen linien/ die creuzweiß mit ver-
gleichren angeln oder egken übereinander streichen/ inn
vier theyl. Die eine linien/ sol streichen von zwölffen des
Compass/ über den Magneten/ oder über das mittel
des eisenen gabelins (das sein krafft von dem Magnete
empfangen hat) in das mittel/ zwischen fünff oder vier
vor Wittag/ nach dem das Compass gemacht ist/ schnür
schlecht. Die ander linien sol gehen creuzweiß/ als vor ge-
melt ist. Ober dise sersgesagte linien/ nach gleichē ecken/
vnd also nach gelegenheyt der land gegen Wittag vnd

der Mitternacht/nach dem sich der polus höher vnd hö-
 her über der erden circel (Drizon genant) ist aufferhe-
 ben. Also auch/ist die jertzgesagte quer/ oder creuzlinien/
 von manchen ditzern des Compasss streichen/vmnd auch

Der Mittag.

Der Morgen/oder Zugang.



Der Abent/oder Abgang.

Die Mitternacht.

nach dem die circumferenz inwendig od außwendig der
 stunden circel gezogen ist/darnach wirt sie mer vñ mer
 verwandelt/ jertzund streicht sie vor achte des Morgens/
 bisß vor viere des Abents/ jertzund gleich vñ achte zu viere/
 vernim/nach de liniendes cõpasss/die die stund des tags
 bedeuten/

32

bedentē / das dich die vngleichheyt der Linien des creuzs
vnd der Linien der stund ein wenig abgelenget / nit irrig
mach / doch wie dem allem / nach disen wolbegnadeten
Weisner landen zu rechnen / gehet die selbigen creutz li
nien / auff dem Compass gemeyntlich hart vor 8. da ire
linien den vndern ist berühren / bis vor 4. vmb die selbig
maß / als die Chronographi wol ein wissen haben / vnd al
so auff die linien bey 4. nach mittag zusetzen 6. des mor
gens oder des auffgang / dann die selb linien am compass
bedeut allweg den Morgen / vñ vff die linien zwischē 4.
oder 5. vor Mittag / vñ 7. oder 8. nach Mittag / zu setz
en. 12. des Mittags / dann die selbig linien deut alle zeit
im compass auff den Mittag / vnd auff die linien bey 8.
vor Mittag / 6. zu setzen des Abends / Dann die selbige
linien weiset alle zeit auff den abent / Vñ auff die linien
bey 12. im compass zusetzē / 12. der Witternacht / welche
linien allwege die Witternacht bedeut / vnd darnach der
teyl ein yeglichen in 6. teyl / als vorgeteylt ist / die ganz
welt in 24. teyl / wie in vorgeender figur verzeychnet ist.

Also magst du haben ein gewis erkantnus von den ör
tern der welt / vnd vndem streichen / fallen vnd außges
hend der geng / so das Compass also abgeteylt / auff den
gang gehalten wirt.

Volgt von den clüfften.

Das streichen / fallen / vñ außgeend der clüffte / vernim
zu gleicher weis als das streichen der gāng / dan der clüffte
streichen oder fallen / ist eins theyls auß dem Morgen in
den abent / Eins teyls vndem mittag in die Witter
nacht / vnd herwiderumb / Auch eins teyls von andern ör
tern der welt. Der klüffte eins teyls / seindhengklüffte /
zwerch klüffte / creuzklüffte / oder wie die nach mancher
bercklenffiger

berckleuffiger weiß genant werden/ Die selbigen bring-
en oder führen zum theyl dem gang yn ein veradelung/
vnd machen gut ärgz/ Eyn theyl entföhren vnd benemen
dem gang die minerisch wirkung/ oder ärzliche krafft/
derhalb gar offte weit vö den gänge/ grosse witterung er-
fundē werde/ vñ gar manche Bergk lent jr an jren bawē
machen. Aber wölche Klüffte die veradelung des gangs
bringen/ oder hinweg führen/ will ich in nachfolgendem
capitel anzeygen.

Das III. Capitel.

Von Silberärgz/ vnd seinen gängen.

WJewel nach wirkung vnd ordnung der natur/ das
vnnolckömlich Metall billich von ersten beschriben
solt werde/ Die weil aber das gewinreichste serer geliebt/
vnd billich/ so will ich das höchst vnd theureste vorsetzē/
vnd von ein zum andern/ durch bequemme ordnung ab-
steigen. So nun das Golde/ von Adelheyt wegen seiner
natur/ billich vorgienge/ hat mich doch für gut angefe-
hen/ die weil das land zu Weissen (in wölchem dis büch-
lin von den ärzen kurzlich begriffen) mit allen metals-
lischen ärzen begabt/ vnder denen fürtrefflich mit silber
ärgz/ Will ich deshalbe anfänglich/ von vrsprung der ge-
bärung des Silberärgz beschreiben.

Das Silberärgz/ nach meinüg der weisen/ ist gewyrckt
nach einfluß des Mons (als oben berürt ist) von klarem
quecksilber/ vnd aufgeleutertem beständigen schwefel/
als von krafft eines wirkers/ vñ geschicklichkeit der ma-
terien. Das silber ärgz wirt durch mancherley weys ge-
wircket. Etlich in schlañ des wassers/ als ein schwarz
er oder graver raum/ zu gleicher weis als hernach volgt/
im Capitel. von dem Goldärgz. Auch etlich in gängen vñ
Klüfften/

Flüßren/ als in disem gegenwertigen Capitel volget.

Zu einer bekantnus der guldigen vñ bestendigē geng/
die zu bawen seind für andern/ ist zu mercken/ das das al-
ler bequemest läger des gangs / ist an dem gehäng des
bergs gegen dem Mittag/ so sein streichen ist von sibnen
oder sechsen/ des Morgē/ in sechse oder sibne des abēts
nach der abreylung der welt/ als oben berürt ist/ vnd so
des ganzen gangs außgehend ist gegen Mitternacht/
sonderlich auch so seins gesteyns außgang/ gegen dem
Morgē/ sein hangends gegen dem Mittag/ sein ligends
gegen Mitternacht sich stretchen/ Dan in solicher geschick-
licheyt des gepürgs vnd gangs/ wirdt der einfluß des him-
mels seer bequemlich empfangen zu bereyten die mate-
ri/ darauß Silberartz gemacht oder gewirckt sol werde/
vnd vestigklich behalten/ als in eynem wolgeschickten ge-
fäß/ das die Wirkung des Silberartzs deßter vollkommer
kan verbracht werde. Aber die andern streichē der gāng/
zwischen dem abent vñnd mitternacht werden guldiger
oder vnguldiger geacht/ nach dem sie sich näher oder wei-
ter örtern/ gegen disem jez gemelten streichen der gāng/
doch mit solchem hangends/ ligends vñnd außgehends.
Auch die Gāng/ die jr streichen haben/ auß der Mitter-
nacht inn den Mittag/ vñnd ihr hangends/ gegen dem
abent/ ihre ligends vñnd außgehends gegen dem Mor-
gen/ die selben sind höflicher zu bawen dan die Gāng die
da streichen auß dē mittag in die mitnacht/ wölcher han-
gens gegen dem morgen ist/ vñnd jr ligends vnd außge-
ends gegē dem abent/ wiewol dise letzte Gāng/ zu zeiten
angeflogen vnd gedigen silber führen/ oder gut artz an et-
lichen orten/ yedoch ist an inen nichts bestendig vñ wert.
Dann die ganze minerisch krafft/ wirt durch solche auß-
gehend der Gāng/ gang außgebradempt vñ hinweg ge-
J weiterr

weiteret vnd gezogen. Desgleichen vernim̄ auch von den
gengen die ire streichen haben auß dem Morgen inn den
abent/ als vorgesaget ist/ Vnd jr außgehend vnd ligends
gegen dem mittag/ dan sie werden durch jr außgehend
gang verunadelt.

Item/ vnder den silbergängen/ sind etliche die in han
gends vnn̄d ligends quertz haben/ etliche spatt/ etliche
hornsteyn/ etlich eysesteyn/ etlich weiß lätzig gebirge/
etliche klagsteyn/ etliche gemenge/ oder gesprengt stayn
von vil farbē/ nach vermischūg d̄ bradē mancherley na
tur/ die den stayn serbē/ auch etlich ander selzam gebirg.

Auch führen die gāng zū teyl ihnen selbs Eißweiß/ oder
gelb/ etliche glantz/ etliche wisamad ärtz/ etlich gilbe oder
geele schweiff/ etliche weiße/ braun oder schwarze lāten/
etliche gebrante schwarze/ blawe/ braune oder grüne wit
terung/ nach geschickligkeit der minerischen bradem/ et
liche blentliche vnn̄d dunckele/ etliche weißlicht gepürg/
dem alun gleich. Aber eyn theyl heyst sie durchsichtig
quertz/ wiewol es wider der quertz natur im̄ feur gar
flüssig ist. Desgleichen auch an gepürg vnd geschicken/
führen die klüffte als yez berürt ist von dē gang. Wo nun
dise mancherley geschick der gāng vnd klüffte/ an in selbs
silber haben/ allda soll man den geschicken vnder augen
brechen in hangends oder ligends/ dann die geschick wer
den anweisung geben/ vnn̄d das ärtz auff dem steenden
oder flachem gang beweisen oder eröffnen.

Wo aber von dem streicher oder hauptgang/ oder dar
über sich begeben/ schargenge/ henckklüffte/ oder creutz
geng/ darauff mag man trostlich sencken/ dan die gänge
veradeln sich daselb/ vñ werden fast guldig in der tieffe/
so diser geng vñ geschick außgehend eins sein wirt gegen
mittnacht/ vñ das ander gegen morgen/ darumb ist gar
rechtlich/ das man ortweiß außlencke auff dem haupt
gang/

37
gang/ nach andern zufälligen geschickē/ die jr außgehend
vnd fallen haben/ nach bequemen örteren der welt/ wie
oben begriffen ist/ als in manchē gebürg gar vil geschick/
nebē den gängē streichē vñ fallē/ vō mancherley örtern &

Wo nun mancherley geschick in eym gebürg (welt.
bey dem gang sich zusamē lencken vñ in der tieffe zū hauff
hielten/ darauff mag man tröstlich sencken/ sonderlich
so sie die geschick mit silber beweisen/ den in & tieffe ist gar
hofflich ein güt erz zū erbawen. So aber in dem senckē ein
sewle kām/ der darff man nit erschreckē/ sunder sie artig
bey geschick behalten/ vnd die selbe seule ganz absincken/
biß man den gang mit seinē geschickē in die frische ganz
widerbringr. So aber ein kām im gesenck vorschuß/ vnd
ein hart gebürg oder steyn kām/ dz es den gang oder das
ärge vertruckt/ vnd doch zwischen hangends vñ ligends/
ein lätten oder ander geschicklich art fürte/ dem sol man
frölich nachfaren.

Wo nun spat gang mit klüfften/ witerung oder lät-
ten vermengt würdē/ vñ mit eynand sielen/ da ist in der
tieff gewislich ärg zū bawē/ Darumb ist fast verhofflich
darauff zū sencken/ wiewol der geschick eins oder zwey/
sich also abschnitten/ doch so andere art zū kām/ es were
Eiswerck/ gilbe oder brand/ die an jr selber silber hielt/ der
mag man danocht wol nach bawen.

Wo aber in dem sencken Spat erbawet würdē/ vñ sich
der Spat abschnitt/ vñ in kurzem teyn ärg gesiel/ da ist
zū besorgē/ das die selbige Spat geschickē/ nit ganghaffe
sey/ sunder ein geschütt/ oder ein kluffte witterung/ die da
streichet neben den gengen. Nun ist zū mercken/ das al-
le schargang/ oder hengklufft/ so da fallen auß der mit-
ternacht/ oder nahe darbei die veradeln den hauptgang/
hierumb ist gar verhofflich darauff zū bawē vñ zū senckē.

J u Aber

Aber hengklüfft/ die da fallen auß dem Mittag oder nahe darbey/ die verunadeln alle gāng darzü sie eyle/ Des gleichen auch verunadeln alle Gāng vñnd Klüfft/ es sey hengklüfft/ querklüfft/ creuzklüfft/ od ander flözwerck die jr außgehn haben gegen mittag/ oder nahe dabey.

Wer ist zū mercken/ das gemeyntlich die flachē geng/ nahe dem stehenden streichē/ wo nun klüffte/ creuzgeng/ oder ander geschick vñd flözwerck / die beyde genge/ den stehenden vñd den flachen/ creuzigen oder überfaren/ da ist gar verhofflich auff zū bawen vñd zū sencken/ besonder so der geschick/ die creuzweiß überfallen/ außgehend/ ist gegen dem Morgen/ vñ des hauptgangs oder flachen gangs außgehends / gegen Witternacht. Desgleichen ist auch hofflich zū bawen/ da sich der flach gang scharweiß mit seinē einen stollort auff den steenden ganck fügt/ vñd mit jm streichen/ dan jr vereynigung oder zūsamensfüngung der tieffe / gar eynen mercklichen schatz bringt/ hierumb ist wol rätlich/ das man zū zeiten brech in hangends vñnd ligends/ von dem stehenden Gang/ ob man den flachen Gang erreichen möcht/ vñ erfahren/ mit welchem stollort/ vñd wie ferz der flachgang sich zū dem stehenden Gang lencken wolt/ vñ also auß fürsichtigkeyt wirt gar offte ein mercklicher schatz/ mit geringem vñtosten erbawet/ vff der vereynigung d geng/ Dan der flachgang/ lenckt sich gemeyntlich zum steenden mit dem eynen stollort/ darumb nach etlichem bergrecht der flach Gang/ dem steenden/ als ein zinschafftiger gang erkant wirt.

Item/ zū verklärung vorgesagter geschicklichkeit der Gāng die sie inn ihn selbs haben/ ist zū mercken/ das diese Geng/ die in hangends vñ ligends quertz/ Spat oder hornsteyn haben/ vñnd darzwischen ein letten führen/ die sindt verhofflich zū bawen. Item die Geng die inn hangends vñd

ends vnd ligends eisen stein füren/oder eysenmal/vnnd
 in jhn selber wisn maderz/oder feystre vn zähe witterung
 haben/die selben sind auch hofflich zu bawen. Item dise
 Geng/die in hangends vnd ligends fürn ein weissen zech
 steyn/vnnd in jhn selber schwarze oder gebrante witterung
 haben / die selben sind auch hofflich zu bawen / doch
 mit solchem streichen/vn außgehend der Geng / als oben
 berürt ist. Item die Geng so mit vestem gepürg verschlos
 sen vnd verfassert sein/ vn in sich selbs milde oder schiferi
 ge geschick fürē/die mit gläserz oder ander stachel frisch
 erzt vermengt sein/die selbigen geng sind gar hofflich zu
 bawē/dan solche geschick in der tieffe ein merckliche schatz
 bringen/so sie mit andern geschicken oder bequemen strei
 chē fallen vn außgeend veradelt werdē als oben berürt ist.

Das. V. Capitel.
 Von Gold erz.

SAs Gold erz aber nach meynung der weisen/ ist ge
 würcket auß dem aller klärste schwefel/ also seer ge
 reynigt vnnd geleutert in der erden/ durch die wirkung
 des himels/ fürnemlich der Sonnen / das keyn feystig
 keyt in jm ist/die durch das feur verzeret vn verbrennet
 künde werden/ Auch keyn vnbestendige wässerige feuch
 tigkeyt/die von dem feur hinweg rauchen möchte / Vnd
 auß dem aller bestendigsten quecksilber/auffs höchste ge
 reyniget/also seer/ das ein lauterer schwefel in der wür
 ckung kein hindernus in jm findet. Also durchwürckt vnd
 ferbt von seinem außwendigē bis in den grund alle thayl
 zu gleych/ mith seiner bestendigen citrin farb / vnnd also
 die bayde als der Schwefel vn dz Quecksilber / als mi
 J ij nerisch

nerisch materi/durch einfluß des himels zu geeygent der
Sonnen/vnnd durch geschickligkeyt der starr die herwis
der beuge/oder widertreibe/vnnd bricht inn sich selbs die
minerischen bradem des schwefels vnd quecksilbers / die
selben werden mit den aller stercksten vnd krefftigisten
verbindungen vereynet zu eym metallischen körper/wöl
liche verpünctus die scherpffest vnd gröst würckung des
feürs mit mag auflösen.

Das Gold würt in mancherley stätten gewürckt/ Et
lichs in schlechte sand des fließes/ etlichs vnder der tham
erden bey dem sumpffen/ etlichs in eynem kießwercke / et
lichs in klüfften oder gengen gedigen / auch etlichs inn
manchen geschicken vnd witrung / so die geng vnd klüffe
in in selbs fürē/ es seyē schiferwerck / od schwarz/ braun/
graw/ blaw oder gelb witterüg/ oder lette geschick. Das
Gold so gewürcket wirt inn dem sand des flusses / das ist
das aller klärst vnnd höchst gold/ dann sein materi wirt
groß wolgeleutert/durch den fluß vnd widerfluß des was
fers/ vnd durch die eygenschafft der stätt/darinn das selb
gold erfunden wirt/ von gelegenheyt des wassers / dar
inn das seyphen Gold gewürcket wirt.

Das bequemeste läger des wassers ist / das es neben
im gen Witternacht hab eyn gepürg / vnnd herwider
umb gegen Mittag oder Abent ein fleche/darzu sein sties
sen sol sein auß dem Morgen in den Abent/vnnd das ist
das bequemest fließen des wassers. Das ander fließen
nach disem in der wird / ist von dem Abent in den Mor
gen/mit solchem läger des gepürgs/ als jetzt gesagt ist.
Das drit fließen ist auß der Witternacht inn Mittag /
mit eym gepürg gegen dem Morgē. Aber das ergst fließ
sen des wassers / zu bereytung des Goldes/ ist auß dem
Mittag in die Witternacht/ so ein gepürg in der höhe/
gegen

gegen dem Abend auff erhöhen ist. Das fließen des wassers / wirt gemanchfeltiget von den örteren der ganzen welt / eben als das streichen der geng / oben in dem Capitel von den Silber gängen beschriben / Vnnd eyn jetsichs fließen wirt besser vnnd feerer geacht / nach dem es sich näher oder ferrer lencke von dem jetzgesagte fließen.



Der Abend,

Der Morgen,

Zu mehrer erkantnis diser statt vnd wasser die Goldfurn / ist zu mercken / das gemeynlich in den flüssen / darinn gefunden werde Edelsfeyn / als Amaristen / Rubin / Crystall / oder andere hohe geleuterte fseyntö:ner / da wurde

da wirdt das Golde bequemlich geboren / vnd ist ein an-
zeyg zū einer geschicklicheyt der statt / Dañ nach der mey-
nung Alberti magni / werden gar selten hitzige vnd truz-
ckne bradem / oder exhalationes / auffgezogen auß der er-
den / sonder mit jhn werden auch auffgezogē warme vnd
feuchte bradem. Auß dem truckenen bradem werden ge-
wircket vnd geboren die steyn / vnd nach dem die bradem
kterer / subtiler vnd edler sein / darnach werden auch die
steyn schöner / besser vnd krefftiger. Auß den feuchten bra-
dem werden gewirckt vnd gemacht die Metall / vnd dar-
nach die bradem / oder dünst / von kterer / auf geleuterter
vnd wolgedeweter materi auffgezogen werde / darnach
wirt auch bestendiger vnd besser Metall drauß. Dieweil
nun die beyde / feuchte vnd truckne bradem mit einander
auffgezogen werden / vnd yeglichs nach seiner natur ge-
hertt / so ist gar ein gewiß anzeygūg des goldes / als yetz
gesagt ist / so in dem fluß edel gesteyn erfunden werden.
Auch wo in dem fluß / oder nahe darbey schörlin körner /
die von gedichtem vnd subtilen spiß seind / erfunden wer-
den / darnon nit weit ist das Goldwerck / aber die körner
müssen sein von subtiler speiß / dan wo grob spißig schör-
lin erfunden werden / alldo ist wenig zū hoffen des besten
vñ subtilen Metals geschickt / als des Golds. Item / das
Gold / so vnder der tham erden bei den sumpfen gewyr-
cket wirdt / ist geringer / vñ vnguldiger / nach dem der
graw oder schwarzgraw / der sich mit dem Gold flemer-
li / oder goldkörnli zū schlich zeucht / darnach d selbig mehr
wirdt darunder geschmelzt / dan der selbig wirt gar offte
an vil orten mehr silber dan gold / auch kupffer / darumb
wirts gold durch vermischūg des silbers geringert. Auch
hat der raum zū zeiten ein wildigkeyt bey sich / die dem
Gold sein edle vñ hohe farb vertunckelt / das also das
Golde ge

37
Gold geringer geacht würt an dē Grad. Jedoch ist es von
diser sach wegen gar wenig geringer / dann durch cyn kleyne
künstlich arbeyt / mag eyn solche würdigkeyt dem Gold woll
benomen werden / also / das seine hohe farb vnuerdunckelt
bleibet.

Zu eyner erkantnis eyner bequemen statt / diser Goldge-
berung / ist zu merckē / so vnder der tham erdē / da das werck
liget / vil gwitterte stremlin erfunden werden / gleich als die
äderlin od̄ kleyne klüfflin als man zu zeiten finder durch den
leymen streichen in den leym gräben / da ist gar hoslich gütt
schlicht werck von züer wecken / vnd besunderlich an dem ort
da sich die kleyne stremlin zu hauffschicken oder mern / Dañ
durch die selbe würt die minerische krafft / auß der erden da
selbst vermeret vñ bekrefftiget / zu eyner größern geberung
des Golds.

Item / Das Gold das gwirckt würt im kiff werck / ist mit
vil vñ mancherley vnart vermischet / eyns wildē Schwefels
vnd vnreyner erden halben / darauff das kiff werck gemacht
würt / yedoch langer zeit halb / durch wirckung der Sonnen
vnd des himels / würt das subtilest / in dem kiff werck gerey-
nigt vñ gekocht / in eyn teyl nach dem andern / zu eynem be-
stendigen Goldartz / das man dann durch grosse arbeyt des
sews / von dem vnreynen kiff werck abschneiden muß.

Dises Goldkiff werck / würt an etlichen orten funden / als
eyn gantz stetz werck / das durch die ganze fleche des gebürge
liget / vñ würt nach etlicher land art eyn Schwebeder gang
genant. Auch würt etliche gefunden ganckhafftig / in stän-
den / gängen die hangends vnd ligends bey sich haben.

Das flache kiff werck ist vast gering / die weil die wirckung
des himels / vonn vngeschickligkeyt der statt / wenig macht
darbei volendet.

Aber dz Goldkiff werck / das ganckhafftig steht / würt bes-
K ser vnd

ser vñ guldiger geacht nach dem der zechsteyn des gangs in hangēds vñ ligēds/subtiler vñ adelischer ist/ vñ auch nach dem die Goldgāng jr streichen vñ außgehend haben/ zū bequemen orten der welt/ vñ darnach sie mit zufelligē klüfften durch wittert seind/ die dem Gang eyn veradelung bringē/ als oben im capitel von den Silbergāngē gemeldt ist/ darnach werden sie auch besser vñ guldiger geacht. Auch dz gold das in andēn gengē/on kispgāng gewirckt/würt etlichs gedigen funden an dem steyn/etlichs in eynere gelben lettē/ etlichs in eynere braunē subtilē witterung/auch etlichs in den quertzen vermengt vnd darein gewirckt.

Wo sich nūn die braune witterung gangbaffrig beweiset/da ist vast hoflich zū bawen/dann zufellig geschick von hengklüfften der tieffe eynen mercklichen schatz bringen.

Des gleichen/wo die gelben lettē gangbaffrig stehn/darauff ist auch hoflich zū senckē/so der Gang in hangēds vñ ligēds/eynen subtilē zechsteyn führen ist. Darzū wo dz gold in den klüfften gedigen erfundē/würt die neben den gāngen streichen/da soll man acht haben/an welchem ort die klufft zū dem gang eilet alda sol man tröflich nachbawē vñ sencken. So aber die selb klufft vom Gang eilet/ist zū besorgen/das schwerlicher was mercklichs darauff zū bawē steht/Es were dan das sie hinauß werts zū eynē andern Gang eile. Darumb ist gar rethlich/wo solch hengklufft/die gedigen gold führen von dem Gang eilen vnd fallen/dz man auff das selb ort mit schürpffen eyn erfahrung oder sūchung nach andern Gengen thū/vnnd also mit fürsichtigkeit die klufft geschick vnnd Gāng bei eynander erbawe.

Das VI. Capitel.

Von dem zinartz.

Zinartz/oder der Zwitter/würt auß Jupiters eynfuß gewirckt/von reynē quecksilber vñ wenigem schwefel vnd
in der

in der Vermischung diser beyden/ werden vndermengt vnärtige grobe schwefliche bradem/ die sich mit cynäder incorporieren vñ vereynigē/ zū cynē metall/ Zin genant/ von welchem vnärtigen bradem/ cyn yetlichs Zin/ starck/ riechende/ knürschig vnd brüchig ist/ also das es auch all metal darunder es gemengt würt/ vnärtig vnd brüchig macht.

Item cyn teyl des Zwitters/ würt geboren in dem fluß/ wie oben dz Gold/ vñ etlichs geweschē/ großkörnig/ den schönlin gleich/ vñ darauß würt das schönst vñ best Zin das man seyffen Zin nennt/ dan sein materi würt gar reyn geleutert/ vñnd durch die eygenthschafft der stat geadelet. Auch würt etlicher Zinsteyn gewürckt in den bergē/ vñ ganghafft er funden/ der selbig würt besser geacht/ nach dem er ferrer von den tießgāngē funden/ vñ weniger damit vermischet würt/ sonderlich mit gedichtem vñ kupferigem/ d vast schwerlich vom Zinsteyn kan geschiden werde. Aber der taub kiz ist in dem Zinsteyn nit so vast schedlich/ Dann durch die scherpfte des feurs würt er geleichtert vñ geäschert/ also das er auff dem Test mit dem wasser vom Zinsteyn hinweg weicht.

Auch würt der Zwitter od zinsteyn/ cyn teyl fundē in cyn geschüt/ nestig vñ nit ganghafftig auff dē berg/ diser Zwitter ist aber leutrerer vñ besser/ nach dem er weiter von den kiz gengē leit/ vñ weniger mit eiserigē schwefel vermischet würt.

Eyn anweisung zū disem Zinsteyn ist dz er gemeynlich an den tag blüet/ vñ geschüb von sich stoßt.

Das. VII. Capitel

Von dem kupfferartz.

Rupferartz ist gewürckt auß dem einfluß Veneris/ von gutem vñ reynem quecksilber/ yedoch nit gar entbündē/ von überiger vngceeygnetter feuchte/ vñ vō überhitzigem brenēdem vñ vnreynē schwefel/ vō welcher hitz des schwefels das gāge Metal/ durch alle sinteyl/ rot gesebt würt. Dises metalartz/ würt cyn teyl in schiffrigen fletzwerck erfunden

R ij vnd

vnd eyn teyl gangbafftig mit mancherley art/etlich braun/
etlichs grün/etlichs klüßig. Das kupferertz in dē schiferwerck
ist mit seer vil taubem gebirg vermengt das schwerlich das
metall/als durch das schlechte durchlassen oder schmelzen/
herauß gebracht würt. Aber dz gägghafftig kupferertz/würt
besser vnd guldiger erfunden/nach dem der gang in seinem
hangend vnd ligend mit eynē edlen vnd artigern zechsteyn
verfaßt würt. Auch darnach die gäng jr streichē haben/von
bequemlichen orten d welt/als oben gesagt ist von den Sil
bergängen vnd auch darnach die Gäng mer vnnnd mer/von
züfälligen klüßten vnd geschicken/werdē veradelt/darnach
fürn sic auch besser vnd reicher kupferertz in jn selbst.

Das streichen der kupfergeng/vñ jr veradlung/vernim̄
zü gleicherweiß wie oben gemelt ist von der veradlung der
silbergäng/Alleyn das die kupfergäng gemeynlich/die do
streichen an dem geheng des bergs/gegen der Witternacht
mächtig seind/vnd jr kupfer ist doch geringer an dem Sil
ber. Aber die gäng die da streichē an dem geheng des bergs
gen mittag/seind subtiler/vñ jr kupfer ist reicher von silber.
Auch werden dise Gäng veradelt durch jr streichen/als oben
von den Silbergengen gemelt ist.

Das . VIII. Capitel.

Von dem eisensteyn.

Das eisen ist gewürckt/auß dem einfluß Martis/von
vnrēynē Quecksilber vñ sprödem vnartigem Schwe
fel/welcher vil erden/in d ver mischung des metals/mit jm
eingezogē hatt/darum̄ das eisen gar schwerlich im feür zü er
weychen ist/vnd fürst vast vil rosts in jm von des vnertigen
schwefels wegē/der halben laßt sichs auch mit keynē andern
Metall leichtlich ver mischen/eingießen/noch vereynigen.

Der Eisensteyn/würt an etlichen enden funden/als eins
geschüt eo.

geschütes fletzwerck / braun vndt gelb / An etlichen enden
gangbafftig. Der eysensteyn auß dem fletzwerck / gibt vil
storas / oder eysen schlacken vnd wenig eysen. Aber der gang
bafftig eysen stayn / gybt reichlicher eysen / yedoch i sto züzei-
ten sprödd / vmb vermischung willen / einer art von ein an-
dern metall.

It em die eysengeng / wol verfasset mit hangends vnd
ligends / sind nit zü verachten / vorab so jr streychen ist auß
dem morgen inn den abent / vnd jr fallends inn den mittag
Vnd so jr ligends vñ außgeends gegē Wirtnacht streicht /
vnd so der eisenstayn abgefüncken wirt / beweyst sich der
Gang gemainlich mit gold / od mit anderm würdigē artz.

Das. IX. Capitel.

Von pleyartz

Pleyertz ist gwyrckt auß dem einfluß Saturni / auß
vngedignem / wässerigem / schwerē / vnraynem queck
silber / vnd vonn wenigem Schwebel / der durch seine auß
gewitterte hitzige pradem / das quecksilber kocht / vnd züsa-
men gerendt / zü einem metallischen cörper / vnd als die bey
de / der schwefel vñ das quecksilber / mit einer schwachen ver-
bindung vereynigt werden / also wirt auch jbr metallisch
cörper / das pley / leichtlich in dem feur verzert / vñ hinweg
geriben.

Dises metalls artz / wirt etlich gefundē als ein schweben
der Gang / etlich in einem stebendē gang / Das schwebēde
pleyertz / vnder dem rasem / ist geringe am silber / es sey dan
das silbergeschick darzū fallen / als wol von den klüfften ges-
schehen kan. Aber das gangbafftig pleyertz / ist reycher vnd
höher am silber / darnach sein streichen fallen / vnd verade-
lung besser ist / als oben vonn dem silber gesagt ist. Gang-
bafftig pleyertz wirt züzeiten gefunden schwarz / zü zeiten
menfarb / vnd zü zeiten glantzig.

Das. X. capitel.

Von dem gemeinen quecksilber.

SAls gemein Quecksilber wirt gewircket auß dem ein
fluß Mercurij/ auß schleimiger wässericht er feichtüg
die vermengt wirt mit der aller subtilsten schwefeliger er
den. Diß metals wirt etliches gefunden inn einer braunen
erd gewirckt / als ein ander metallärzte / etliches in grüben /
das geflossen ist auß den klufften vñ auß der erden in einen
sumpf als das wasser. Auch wirt etlich auffgepradempt
vnd gezogen vber die erden / vnd wirt gesundē in dem gras
auff der erden.

Dieses metall ist einer wunderlichen natur / als die Alchi
miste wol erfahrung haben / die selbigē will ich auff diß mal
von seiner natur fernere lassen zancken.

Knappius. Auß erkantnuß der materien / darauf das ärzt
gemacht / vnd der statt in wölcher es bequemlich gewirckt
wirt / kan ich nit erkunden / durch wölche weyse diß oder das
ander / zū gedachtem Metall geschmelzt möchte werden.

Daniel. Die Schicht ist auffgefaren / yetzt ist genüg von
dem gesagt / morgen wöllen wir auß der Kaw / in die hütē
gehē / so will ich dir sagē / mit wölchem zusatz das schwefelich
ärzt / mit wölchem das leuchtflüssig / mit welchem dz wild /
mit welchem das grob / oder klayspissig ärzt geschmelzt
soll werden / zc.

Ob jemandt zū besserm vnderscheidt vnd erkantnus der
berg / die Figuren wolt lassen außstreichen oder malen / so
mag man die geng gelb / nebel vnd witterung rauchfarb /
die wasser blau / welliches jedes sey / hab ich verstantz halb
mererteyls mit büchstaben also zeichnet.

Geng

g Geng des bergs.
w Witterung des bergs.
n Nebel des bergs.

Eyn Fundgrüb ist die erst zech oder grübē auff eym newē gang/vnnd hat drey wehr. Ein Wehr ist .14. lachter / Fundgrüb
vñ ein wehr
Vñ ein funtgrüb hat drey wehr für jr maß/dz ist 42. lachter
Die Negsten/vnd andern massen/sonil auff dem selben Negsten vñ
Gang auffgenommen werden/hat ein jedes maß mit mer Messen.
dann zwey wehr/das ist 24. lachter.

Ein leben ist 7. lachtern/2. leben ist ein Wehr / 3. wehr ist Ein Leben
ein Fundgrüb / 2. wehr ist ein Negste / oder annder maß/
wie oben berürt ist.

Ein jeder Gang hat inn ewige tieffe vierdthalblach / Sierung.
ter ins hangends/vñ vierdthalblachter ins ligends/ Das
heyst des gangs vierung/macht beyds 7. lachter.

Des Gangs hangends / ist das dach so auff dem gang Hangends
ligt/vnd sein dach ist.

Des Gangs ligends ist/darauff der Gang ligt. Ligends.

Ist da er antag außstößt/allserlich Geng habē jr auß Ausgehends
geends inn morgen/erlich in mittag/erlich in abent/erlich
gegen mitnack/auch erlich zwischē der obbemeltē vier ortē
jhr auß geng haben/ist auff einem Compass leichtlich zū
verstehen.

Etlichs ist vom morgē inn abent/etlichs von Mittag Streichens
gegen mitnack/wie mā auch auff eynem Compass bericht Geng
haben kan.

Ist/dz ebē hinweg ligt/vñ wed vñ sich noch über sich felt Fletz.
Wenn man auff einem Fletz verleicht/so verleicht man in Ein Fletz
die vierung/als ein Fundgrüb in die leng 42. lachter / vnd wie er gelt
in die breyt auch 42. lachter. wirt.

Wölch schmal sind wie messer rüek/schmeler oder dicker / Klüfftiln
vnd haben jr streichens vnd außgeens wie die Geng.

Schächt

Schächt. Schächt/liechtlocher / oder Winscher ist alles ein nam / so
 man darinn vnder sich arbeyt / nennt man gesincken.
 Richtschäch Ist / darinn man fürdernus hat mit bergartz / vnd den
 Hornstatt. man tieffe sinckt.
 Haspel. Ist ein weite gborchen / da der haspel stert.
 stützen. Ist darinn der rund baum ligt.
 hengbanck. Ist darinn die haspelstüzen stehen.
 Haspel. Ist / damit man berg vn ertz herauß zeucht mit einseil.
 Bergkübel. Ist darin man berg zeucht / was nit ertz ist / haist alles
 berg.
 Ertzkübel. Ist darinn man ertz zeucht.
 Wasserüber. Ist darinn man wasser zeucht.
 Sumpff. Ist darinn man wasser belt.
 Pfützeimer. Ist damit man einpsütze / dan man spricht / einpsütze /
 Sart. nit eingeschepfft.
 Ist darauß man in die grübfert / heisser einfart / nit ein
 laiter.
 Gezimmer. Ist tragstempffel jocher ein strich spreitzen.
 in schachten. Ist wenn man zimmert / vnd so das gezimmer nit vest
 Verpfendt. stehet / das mans antreibt mit hülznenen keülen.
 Lengo der. Ist dz man treibt auff eym gang / oder nebē eym Gang.
 Felser. Ist / das man ein ort neben dem ganck treibt / vnd den
 Versch. ganck steen laßt / es heysset auch den ganck aufffaren.
 reimpf oder. Ist wenn der ganck also versarn ist / wie obgemelt / das
 Versarn. man alsdann nachschlecht.
 Nachge- schlagen. Ist so es seer saift ist / so müß man ritz hawen / das man
 wärgeworf. pletz vnd keyl darein setzen kan / darnach schlagen die bewer
 fen oder ab- feusteln drauff / dz heyst ein wand geworffen od abgetribē.
 getriben. Ist / wenn der Gang bert zü gewinnen ist.
 fest. Ist / wenn der Ganck oder gebirg gut zü gewinnen ist.
 Schmetig. Groffe feustel / klein feustel / plotz / keilkratzen / eisen simel /
 Gezeuge da me man in keil hawen / puch feustel / ist alles gezeug damit man ertz ge
 der gruben wint vnd pucht.
 arbeytet. Ist

41
Ist eyn weit raum inn der grübē geprochen/darein man Fulort,
artz vnd berg stürzt / man heyssts gestürzet / nit geschürt/
in der grüben.

Ist eyn ort das man durch querstein treibet/auff einem Querschlag
Gang oder Klufft/ man treibt auch zū zeytten querschleg
auff klufften vnd Gengen/so man die haben mag.

Ist wenn einer am tag anhebt zū suchen nach Gengen Schurpffe,
vnd klufften.

Ist/wenn eyner geschürfft hat / vnd derschürff zū tieff Seyl vñ küß
wirt/das er ein haspel darüber setze muß/vnd die erste sider bel einge-
nuß die er herauf thün/mit seyl vnd kübeln/das heysst seyl worffen.
vnd kübel eingeworffen.

Ist den in an am tag vber ein grüb setzt mit holtz vnd windfang.
bettern/daran sich das wetter wechselt/das man in der grü
ben oder in dem Schacht arbeitten kan.

Ist wo eyner in eyner grüben anfahet eyn ort zū treiben/ Angeseffen.
das heysset dan angeseffen.

Eyn strasz ist/ Wan man eyn ort teylet also/das eyner Straß vnd
mit eynem sitzort wegferet/vnd der ander die strasz hinach sitzort.
treibt/so heysst dann das ober teyl ein sitz ort/ das vnder/die
strasz.

Darauff der hawer vor dem ort sitzt.

Daran der hawer die eysen furt.

Sitzpal.
Eisenriemē.

Eyn stolln ist den man anfahet in eym tal oder grund/vñ
zū eyner grüben treiben will / vnd ehe man vnder kreucht/
heysst es des stolln mundloch. Eyn stollen
mundloch.

Wan man anfahet/vnd türlin setzt vnd man hinein fert Vnderge-
erstlich in stollen. krochen.

Türlin vñ kappen/auff stolleytern vñ lengerten gesetzt/
heysst eyn türlin gesetzt/das ist / das holtz das die leng auff/ Türlin / kap
steht/vñ die höltzer die oben darauff ligen/heysen kappen / pen/vñ ver-
vnd die kleynen höltzlin/die man in hangends vnd ligends schiffen.
L legt/

- legt/heyßt man verschossen.
- Wasserseich
Fürst.
Solen.
Treckwerck
Ist/da das wasser in das mundeloch hinauß laufft.
Eyn yeglicher ort oder stohn oben heyßt in der fürst.
Der stohn vnden heyßt auff der solen.
Ist/das man mit brettern schlecht/zwischen der solen vnd
der fürst/darauff man ein vnnnd auß feret/vnnd den berg
drauffberauff laufft.
- Kost oder
trigstolen.
Eyn rost getriben ist/wann man eyn stohn treibt/der v.
oder vj. lachter einkompt/od tieffer/biß auff. xv. oder. xvj.
lachter.
- Zinköfen.
Durch-
schlag.
Zinkompt ist/wann man eyn durchschlag macht/das
man wetter bringt vnd wasser benimpt.
Ist/wan man örter oder stollen gegen eynander treibt/
wann man zusamen kompt das heyßt dan eyn durchschlag
gemacht.
- wetter-
biacht.
Ist/das der wind durch den durchschlag oder stollen hina
dur hin die zeche zeucht/das man darbei arbeyten kan.
- wasserbes
nimer.
Handsteyn
oder stuffen
Ergge-
büche
Hall.
Ist/das das wasser/so der durchschlag gemacht ist/auff
dem stohn hinauß an tag laufft.
Ergz/heyßt man auff den Berck wercken vn mit eyn stuck
ertz oder berg.
Oder gescheyden/vnnd nit geklopfft.
- Reinz
Ist der berg/den man in eynen gräben gewint/es sei vil
oder wenig das heyßt dann der gräben hall.
- Pumpen.
Ist eyn rözwerck/darinn eyn eyserin seyl mit taschen/das
mit man eyn groß wasser hebt/man heyßt es eyserin seyl vn
mit ketten.
- Bunst.
Ist eyn roze/darcin ist eyn strudel gemacht/die legt man
in eynen sumpff/da zeucht eyn knab eyn zimliches wasser. 2.
oder. 2. lachter.
Ist/damit man eyn groß wasser hebet/treibt eyn wasser
das ander/die brauchet man auff berck wercke/die man tieff
abscnck

abfencet / vnd seer wasser nörig seind.

Ist / wann eyn ganck gerad nider felt / vñ weder hangents
noch ligends bat. Seyger ge
richt.

Ist wann eyn gang flach sellt / vñnd hangends vnd li
gends batt. Flach.

Ist / das man eyn ort / erbstuffen / oder eynē schacht an tag
bringt das man am tag weyßt wo man in der grubē bawet. Gemeßneye
Gescht vnd
abgezogen.

Ist / wo man eyn sein maß gibt am tag mit schüben / als
eyner fundgrüb. 48. lachter / vñ eynere nechste maß. 28. lach
ter / vñnd wo eyn maß wendet / da grebet man eynen steyn
ein / darin bawet man eyn creütz. Gemeßnen
eyn lochstein

Ist / wo sich die massen theylen do der lochsteyn steht. Marscheyd.
Erbstuffen.

Ist das man den Lochsteyn / darauff d mehrscheyd steht
in die grub langt / darbei weyßt eyn jeder wo sein maß wendet

Ist / da man eyn ort oder stolln / oder anders gegeneynan
der wigt / das man weyßt wo die tieffe gegeneinander ist. Abwegen.

Ist / der werckgelt einnimpt / lonet / verrechnet / Schmelzt
hütten versorgt. Schicht mei
ster.

Ist / der auff die arbeyter siehet / in eysen vñnd vnschlet
gibt / die gruben mit gezimmer / vñnd ander m so von nö
ten / versorgt. Steiger od
hutman.

Ist der das ertz oder berck bawet.

Ist der berg vñnd ertz zeucht / vnd laufft.

Ist der wasser zeucht.

Ist der das ärtz pucht.

Ist der das kleyn wecht.

Ist der berck oder ertz anschlecht.

Ist acht stund lang.

Oder küschicht / ist zwölff stund lang.

Bewer.
Bergknecht
wasser knecht.
Ertzpuchert
wecher.
Junger.
Die kurz
schicht.
Läg schicht.

Stem vnnnd
Gucks.

Kasten =
stangen.
Kasten ge =
schlagen.

Zusatz auff
silber arz.

frisch bley
hart bley
vnd glet.
Bert.

Treibbert.
Abgetriben.
Treibhutt.

Zusatz zum
kupfer arz.

Gezeuig in
hütten.

Schichtge =
se.

Zwen vnd 30. stam/oder. 128. lucks hat eyn grub teyl.

Ist/damit man verscheiße in schächten zwischē den thür
lin/vnd wo man kassen schlecht.

Ist wo man weitten in den gruben außhawet / vnd daro
nach starcke trag stempffel/in hangends vnnnd ligends an e
treibt/vnd kassen stangen darauff legt/vnnnd darnach mit
berg versetzt.

Hernach volgen etlich zusatz/

so man in den hütten auff silber/
vnd kupffer gebraucht.

frisch bley/hart bley/glet/bert/sloß kupfer schlackē/steyn/
kolln vnnnd gekürnt frisch bley.

Ist/das vorhien nit gebraucht ist.

Ist das bley das vom silber gescheyden würt wann man
abtreibt.

Ist die äschen damit der treibbert gemacht ist ehe man
getriben hat/die hebet man nach dem treiben wider ab.

Ist/darauff man das werck abtreibt.

Ist/wañ man das silber vnd bley von eynander scheydt.

Ist von eysen gemacht den man über den herd setzt wann
man abtreibt.

Zum kupfer arz bedarff man keynen zusatz dann sloß / zu
etliche bedarff man auch keyn sloß / man müß aber eyns mer
dan das ander rösten/darnach es wild oder geschmeidig ist/
darnach machet man steyn darauß/darnach schwarz kupfer
fer/darnach gar kupfer wañ dz kupfer über vj. lot silber helt/
bedarff mans nit gar machen/sunder schwarz kupfer.

Daß gezeug in hütten damit man arbeytet / heyst man
ferr hacken/renneysen/stecheysen / brechstangen/zc.

Ist/wenn man das ertz vnd den zusatz zusamen setz/
als vil man eyn schicht schmelzen wil.

Ist/weiß

Ist/wenn man anfabet zü schmelzen.
Ist wenn er schicht macht oder auffhört.

Angelassen
Zußgelasse

Ist/wenn der schmelzer den ofen wider zürist auff einen
andern tag.

Zugemacht
Zürgelasse

Ist/wenn der helffer knechte dem schmelzer den zusatz den
erbedarff/zü tregt vnd laufft.

Verzeychnung der Bergk

werck der Cronen zü Beham vnd
der worffen.



Als Berckwerck von der Iгла ist die ältst berck
stat vnder der Cronen von Beham / da noch
die bercks vrtail geholt werdent von vil berck
stetten / vnnnd fürnemlich von dem Schneberg / von sant
Annen berg / vnnnd von sant Joachims tal / 2c. Auch gefelt
inn keynem land mehr / vnd so mancherley berckwerck vnd
artz als im land zü Beham vnnnd der selben umbliegenden
gebürg.

Item was für silber / gold / oder zin Berckwerck im land
zü Beham gelegen / gebawen vnd noch sündig sind / nach
der stat Iгла setz ich die fürnemsten berckstet Sant Jos
achims thal vnd den kuttten berg / da teglich vil silber artz
in bricht / nachvolgensant katzinberg klingenstock zün
grab zü 8 plaw cladrán mieß topel pilsen losin wilhartig
Nellizaw / przibran / Deutschenprod / auff der Eykmen
Strechowitz / Kotéberg / kem / Sárprocopsberg / Kauer sin
im risegrüd Hacketenfel / züberstein im kreys Krumpéan.
Dise Berckwerck des lands zü beham beweisent sich alle
mit silber . wie wol jer vil bawfellig vnnnd verfallen / aber
noch hößlich zü bawen der gold / ertz vnder der Cronen zü
beham beweisent sich erzlich geng nabét bey der stat Prag
auch bey prün in / Merhern / zü Reichenstein / vñ Nellizaw

L ij sine

sint vierthalbhundert goldt mülen gestanden / zū teschla-
witz ein goldberck werck / zū Schlagken wald vñ zūm gruff
en zin berck werck / noch ist geschwigē / des kōsparlichē edlen
gesteins / im land zū Beham darnach nit vil gebawē wurt
das vnzalbar da ist.

Im anfang der Hussischen Sectē / vñ des Behamisch
en glaubēs vnder dregierung Keiser Sigmunds hochlob-
licher gedechtnis / sint die Behā mit grosser vngestimkeit
wider dē Babst vñ den geistlichē stant gewest / habent die
clōster verbārt / Mūnch vñ Pfaffen vertribē / land vñ stett
alles verwuscht vñ verbert so vil sie überwindē mochten bis
so lang sie Kaiser Sigmūt mit hilff des Rōmischē Reichs
über zoch vñnd sich mit ein mechtigen her gelegert sūr die
haubsttat Prag / da die Behā grossen schadē namēt vñ vil
ersarner berckleut vntomēt auch hinwider der Kaiser mit
seinem herz vñ hilff des Rōmischē Reichs von wegē grosser
vngestimkeit der Beham auch grossen schadē empfangen /
zertranten das volck / vñ schlugens in die flucht / darnach
dorffte si chlange zeit kein Teutscher im land mer offenbarē
laut der historię vñd Cronica / also wurden die berck werck
nider gelegt verbert / die schechte eingefallen vñnd also zer-
gangen vñ in manchē jar darnach kein verstkendiger berck
man mer in das Behemisch land kumē / auch hats vilicht
Got der almechtig zū der selbigē zeit noch nit gewellen / dz
so vil emplōster mechtiger berck werck an tag kumē söllent
die nun zūm teil wider zū bawen an gefangē vñd sich reich-
lich beweisen / Got verleich allen gewercken sein götliche
gnad dar zū / mit reicher außpeuth .

Wie vil amtleuch ein berckwerck

zū haben notturfftig ist.

Erstlich setz ein jezlicher Fürst oder her an sein stat einē
hauptman

hauptman der zůgebieren vnnnd zůverbieren hat über alle
amt leuth/ vnd was dem berck werck vnderworffen ist/ dar
nach einen verstendigen berckmeister / darnach acht berg
verstendige määner welche die geschwornē genant sint/ mee
zwen zebentner vñ zwen hüttenreuter/ einen aufsteiler ein
legen schreiber vñ ein berckschreiber / darzů gericht vñ recht
verordnet was ein jetzlicher rhim oder lassen sol/ schicht mei
st r / schmeltzer / steiger/ berckhawer/ sampt and berckleuth
mit jerem werckzeug den sie täglich zů clufft vñ gengen ge
brauchent zc.

Des berckmeisters eynd/ vnd an

deren obgenantē amt leutē vñ allen den
die mit ämtern beladen sind.

Jh. N. schwere das ich wil meinen gnedigstē hern. N. zc
getrew vñ gewertig/ dz berckmeister amt treulich vñ fleis
sig verweß/ jerer Fürstlichē gnadē gerechtikeit hant habē/
der gewercken vnd gemeines berck wercks nutz fürdern/ je
derman was sich von recht vnd bilikeit eygent gestattē vñ
verhelffen / meines gnedigstē herrē ordenung allenthalbē
hant haben / vnd selber was mir darinnen auffgelegt ist/
verbringen/ alles nach meinem höchsten verstentnuß vnd
vermögen wil auch in dem allen/ keins andern genieß dan
der mir von jerer Fürstlichen genaden der ordenung nach
zů gelassen ist/ gebrauchē/ vñ mich wid dises alles/ keinen
nutz noch gabe/ gunst/ fründtschafft od vceindschafft bewe
gē lassē/ als mir got beiff durch Jesū Christiū vnsern hern.

Gleicherweis sint all obbenante amt leuth vnderschei
denlich/ ein jeder zů seinem amt auch verpflucht
vnnnd bee ydigt/ zc.

Durch Johan Naselberger auß der Reichenaw
in druck verordnet

S = ...

S = ...
S = ...

f


Faint, illegible text at the top of the page, possibly bleed-through from the reverse side.

De ...

Faint text below the section header.

Main body of faint, illegible text, likely bleed-through from the reverse side of the page.

Faint text at the bottom of the page, possibly bleed-through from the reverse side.



made (ca. 1530) for BERGWERK - u. Probier -
buchlein... A. G. Sisco, 1845, No. 52-3

From a letter of Mrs. F. T.
(^{Ameliese}) Sisco, 14, vii.47.

"Perhaps it will interest you that there is another estimate - of 1532 - for the date of publication of this work. H. von Dechen, a German mining engineer, reprinted the 1539 edition of the Bergbüchlein in 1885 (Zeitschrift für Bergrecht, v. 26, pp. 219-262) and appended an extensive bibliography of that little book, which mentions the combination with Ursprung gemeyner Berckrecht. The two descriptions by Dr. Adams and v. Dechen of the latter work give the impression that they refer to two different editions of this book, but from your letter and the photostats and what v. Dechen reproduces I am pretty certain that the same work is meant in both cases. Von Dechen dates it 1532 because the copy he describes was bound with two other small books printed in 1532 by Friderich Peypus of Nürnberg, and 'type and style of illustrations are apparently alike.'"

B 494
1530

